

240.119  
41  
16

金石題識二



目錄 金石錄

義里長簷路五字石刻

五鳳塼

永安塼

太康塼

黃庭經

黃閣銅漏

嚴堅墓塼

江淹碑

退筆冢銘

禹廟

大業塼

虞世南碑

虞荷碑

晉故右將軍會稽內史琅琊王府君祠堂碑

周密州司馬康遂誠墓誌

高行先生徐師道碣

崔詞謁禹廟詩

越州華嚴寺鐘銘

大理少卿康公 珽 夫人河間郡君許氏墓志

康珽告

宇文顥山陰述





法華寺戒壇院玄儼律師碑

越州開元寺律和尚曇一塔碑

徐浩先塋題記

題禹廟寶林寺二詩

山陰縣額三字石刻

台州刺史康希銑墓碑

判曹食堂壁記

康府君珽碑并陰

丞相神道殘碑

綠橘亭記

嘉祥寺大覺禪師國一影堂碑

會稽山南鎮永興公祠堂碣

復禹袞冕并修廟記

禹廟祈雨唱和詩

遊妙喜寺記

登石傘峯詩石刻

禹廟題名

建南鎮碣記

禹廟續題名

庾肩吾孟簡經禹廟詩

修漢太守馬君廟記

通和先生祖君貫墓誌銘



大夫種銘

禹穴二字碑

禹穴碑陰

元威明白居易春分投簡陽明洞天詩并總作

越州衙前總管杜府君義墓誌銘

故呂后道場亭貴禪師塔銘

李紳題法華寺詩

越州都督府曹參軍齊君饒墓誌

京兆阿史那夫人墓誌

賜李褒改大中禹跡寺勅

勅大中聖壽院額六字石刻

勅大中聖壽院額六字石刻

戒珠寺記

大慶寺衆尼粥田記

大慶寺復寺記

戒珠寺尊勝經幢

禹跡寺尊勝經幢

故浙東都團練使右廂兵馬使濟陰董府君翊墓誌

鎮東軍監軍使院記

雲門寺畫華嚴經變相讚

千歲和尚寶掌禪師塔碑

越王碑



雲門寺麗句亭詩刻

重建鎮東軍府署記

勅封卧龍山神崇善王牒石幢

重修圓通妙智教院記

吳越國武肅王廟碑

報雲門山淨名菴長老重曜二書石刻

法華山碑

重建越州龍興寺塔石刻

會稽論海潮石碑

咸潤法師受業弟子碑

趙清獻公祖太師墓碑

陸左丞佃祖太保昭墓碑

唐太守題名記

宋太守題名記

唐祖先生墓誌序

清白堂記

送陸軫知越州詩石刻

重建永福院記

裘氏義門記

王公池記

山陰縣朱儲石斗門記

志省堂記



井儀堂記

望海亭記

越帥沈公邁生祠堂記

弔王右軍宅文

越州新修子城記

曹娥重修廟宇記

雍熙寺記

證慈寺記

越州趙公抃救菑記

禱錢湖院觀音像識事

寶林院重修塔記

判官廳新建壽樂堂詩

適南亭記

清思堂詩石刻

范純仁純口章案會鞏晁說之江緯廉布題名

子真泉三字

王右軍鵞池墨池記

唐白居易草書春遊詩刻

修南鎮廟記

唐賀知章二告

御製神霄玉清萬壽宮碑

廣教院山壁盧天驥等題名



賜天寧萬壽觀道士盧浩真金方符

楊時題名

王右軍畫像

天真書院記

黃山谷賣馬記

裘氏義門贈詩石刻

祕閣續帖十卷

蘭亭續刻六卷

漏鼎銘

無數漏壺銘

漏盤銘

漏鈿銘

判官廳重新壽樂堂記

唐臨本蘭亭石刻

大雅堂記

王銍題名

雲門壽聖院記

高宗御書詩石刻

浙東提舉題名記

卧龍山草木記

重修紹興府學記

修會稽防海塘記



放生池咸若亭記

修旌忠廟記

劉忠顯公韜祠堂記

貢院記

報恩寺應天塔記

丞相史公浩府學義田規條

重刻熹平石經殘碑

薛純一能仁寺捨田記

天長觀銅鐘題字

晉王逸少小字曹娥碑

重刻王右軍蘭亭序樂毅論并趙岐王仲忽帖

棣萼堂記

會稽縣重建社壇記

會稽縣寬簡堂記

會稽法雲寺觀音殿記

會稽縣新建華嚴院記

東籬記

露祕院營造記

鎮越堂柱記

越王臺三字碑

安撫司屬官題名記

重修山陰縣學記



戒珠寺重修卧佛殿記

浙東提刑壁記

錢清鹽場廳壁記

紹興報恩光孝四莊記

世綵堂記

王端明 克謙 浸碧亭記

山陰縣重建主簿廳記

諭飛勅碑

宋諸陵碑

重刻蘭亭序

稽山書院記

和靖書院記

三江鹽場興造記

山陰慈恩院法華會記

右軍祠塾重刻蘭亭序并詩

重建會稽縣學記

臨池亭記

紹興路學重修講堂記

會稽唐氏墓記

雲門寺記

帝禹廟碑

重修明覺寺記



南鎮降香記

紹興路修禹廟記

集善教寺記

祭南鎮祠文并記

代祀南鎮頌

會稽佳山水五字石刻

修山陰縣治記

重修曹娥廟記

紹興路新學記

重刻宋李公麟蘭亭稊圖

重修山陰縣學記

開元寺鐘銘

重修山陰縣學記

紹興新城記

紹興崇福寺記

重修山陰縣學記

霸峯寺活水源記

會稽徽命鐘

越王銅罍

拈花寺古碑

渴蛻二字

蛟平寺井碑



稷泉二字

漢李氏鏡

秦漢瓦當文字續集

求恭審專

陳太建四年專

吳黃龍元年專

左文襄何暖叟跋法華寺碑

宋義國夫人虞氏墓誌

宋謝景初書孝經碑

越中石刻九種

錢竹汀先生竹汀日記

隋呂超殘墓誌

東陽何氏蘭亭原石

魏氏稼孫續語堂碑錄

漢樊毅修華嶽廟碑

宋隱真宮記跋

節錄

武肅王鐵券

宋天台般若新寺甃塔記

呂超墓誌銘

跋王文聚隸書蘭亭帖

止軒金石墨本自序

青籐硯銘歌



祁忠惠公雙印歌霞西叔祖命作

二金螭齋尺牘言金石學

晉福祈禪院碑

吳越崇化寺西塔基記

黃龍元年八月上虞王元方作

東漢建寧買山蒯

建寧墓專

隋大業龕專

吳永安朔磚

晉太康買地蒯

唐開元堪專

齊永明石佛背銘

晉王大令保母專志

龍尾硯記

嶧山碑額

石經題辭

遼寧碑銘題辭

東國刻會稽刻石

建寧碑拓本

摩安堂石銘字

玉版十三行



漢

義里長官路五字石刻。

鴻嘉二年太守周君刻在會稽見嘉泰會稽志

吳

五鳳塼

文曰五鳳元年三月造宋乾道中上臯耕者得以獻府  
牧洪适鑄以為硯見嘉泰志

永安塼

文曰永安五年七月四日造宋淳熙癸卯三山陸氏鑿  
渠得之嘉泰志

晉

太康塼

文曰太康十年七月造藏山陰三山陸氏見嘉泰志

黃庭經

凡二本大約相類題云永和十二年山陰縣寫石在越  
州見集古錄

黃閣銅漏

王羲之書陸機漏賦在府廨見嘉泰志

嚴陞墓塼

在山陰蘭渚小國朝嘉慶四年土人開窰得塼五其  
四皆有晉太元廿二年建墓八字陽文楷書一塼文已  
剝盡唯存嚴君之墓君諱陞字君實會稽山陰人也長



子玩次子玫凡廿二字陰文楷書見嘉慶山陰縣志  
江淹碑

在州北八里見輿地紀勝引晁公類要

陳

退筆冢銘

釋智永撰在會稽永欣寺見嘉泰志

按今雲門寺有筆塚二字右刻當是

羽八所勒

隋

禹廟碑

史陵正書大業二年五月五名爲禹廟沒字碑宋嘉泰中通判施宿命工椎拓得二百二十四字乃爲碑譜刻

置祠下在會稽見嘉泰志

大業博

文曰隋大業九年太歲癸酉袁十字又頂上有遲杼二

字國朝乾隆中蕺山下居人商氏掘地得之見嘉慶

山陰縣志

唐

虞世南碑

貞觀二年閏二月五在會稽縣南二十里見寶刻叢編  
引訪碑錄

虞荷碑

虞世南撰釋其書貞觀六年五在會稽見嘉泰志



晉故右將軍會稽內史琅琊王府君祠堂碑

周密州司馬康遂識墓誌

王師乾撰范的書在山陰戒珠寺見嘉泰志文載掇英集

行書長壽三年正月立在山陰離渚山見寶刻叢編

高行先生徐師道碣

姚奕撰序賀知章銘子嶠之正書開元十一年四月立

陷置府治廳壁見嘉泰志

崔詞謁馬廟詩

杜專正書陳章甫序釋惠通八分書開元二十年孟秋

立後附宋之問詩元和十一年陳顥書見嘉泰志崔宋

二詩載掇英集

越州華嚴寺鐘銘

李邕撰在會稽文見北海集

大理少卿康公琚夫人河間郡君許氏墓誌

康琚告

王萬撰褚庭誨正書天寶五年五月立在山陰蘭亭見寶刻叢編引復齋碑錄

徐浩行書天寶十二年三月立見嘉泰志

字文顯山陰述

太子率更令康君德言碑 徐浩正書篆額在山陰離渚見嘉泰志

竇公衡撰史懷則八分書并篆額天寶十三年四月立

見復齋碑錄文載掇英集

法華寺戒壇院玄儼律師碑

萬齊融撰徐浩正書篆額天寶十五年六月立在山陰

見輿地碑目文載掇英集

越州開元寺律和尚曇一塔碑



梁肅撰天歷六年十二月五在會稽文見掇英集

徐浩先塋題記

徐浩正書大歷九年十月初於高行先生徐師道碑陰

見嘉泰志

題禹廟寶林寺二詩

徐浩撰年書見寶刻類編按宋熙寧二年七月知州事

業鈔

山陰縣額三字石刻

額下有丹陽葛蒙勒石六字舊傳徐浩書在縣廨見嘉

泰志

台州刺史康希銑墓碑

顏真卿撰年書大歷十二年十一月五在山陰雜渚宋

郡守吳奎移真府治廳壁通判施宿又得二十餘字於

民間年陷置焉見嘉泰志文載魯公集

判曹食堂壁記

崔元翰撰大歷十口年立在山陰文見掇英集

康府君琨碑年陰

見嘉泰志

丞相神道殘碑

顏真卿書存篆額三字遺文一百九十字在山陰見訪

碑錄

綠橘亭記



顏真卿書在通判北廳廡見嘉泰志引碑鄉  
嘉祥寺大覺禪師國一影堂碑

崔元翰撰年士謬正書貞元二年九月五在府城大慶  
寺見諸道石刻錄

會稽山南鎮永興公祠堂碣

年士謬撰韓杼材書韓方明篆額貞元九年四月立見  
嘉泰志文載掇英集

復禹袞冕年修廟記

崔及撰馬植一作植正書篆額元和三年十月五在會稽  
禹廟見諸道石刻錄

禹廟祈雨唱和詩

薛平崔述等十八人撰豆盧署正書元和中刻于復禹  
袞冕記碑陰見嘉泰志平詩載掇英集

遊妙喜寺記

李遜撰元和十二年二月五在會稽文見掇英集

登石傘峯詩石刻

楊於陵齊推王承鄴陳諫衛中行路黃中撰陳諫年撰  
序元和九年九月五在會稽文見掇英集集

禹廟題名

張良祐孟簡等十一人元和十年三月二十七日祭南  
鎮謁禹廟畢至寺見嘉泰志

建南鎮碣記



孟簡撰陳構正書元和十年十月立見金石錄文載撰  
英集 序元和九年九月立在會稽文見撰英

禹廟續題名

文云去年同遊今年不到張良祐孟存也八今年續到  
同遊鄭道元和十一年四月三日記後又題云奉使續  
到劉茂孫見嘉泰志

庾肩吾孟簡經禹廟詩

謝楚行書元和十一年八月立見復齋碑錄文載撰英  
集

修漢太守馬君廟記

韋瓘撰元和十二年二月立文見撰英集

通和先生祖君贊墓誌銘

許鼎撰元和十四年十月立在會稽延慶寺文見撰英  
集

大夫種銘

李觀撰文見撰英集

禹穴二字碑

鄭觴書并撰序元稹銘韓杼林行書陸沔篆額寶曆二  
年九月立後有大和元年八月三日中山劉蔚續記二  
行在會稽龍瑞宮見嘉泰志文載撰英集

禹穴碑陰

元稹并僚屬十一人官位名氏并拜禹廟詩一首後有



章草一行見嘉泰志

元成明白居易春分投簡陽明洞天詩并繼作

王濤八分書劉蔚篆額大和三年正月五在龍瑞宮見復齋碑錄文載投英集

越州衙前總管杜府君義墓誌銘

沙門東父撰大和三年四月五在山陰九里宋淳熙壬寅呂氏營葬得之攜歸諸暨見嘉泰志文載古刻叢鈔故呂后道場寧賁禪師塔銘

沈的撰并行書沙門潭鏡八分書額大和五年九月五在山陰昭福寺見復齋碑錄

李紳題法華寺詩

大和八年三月五在山陰見集古錄文載投英集

越州都督府曹參軍齊君饒墓誌

蔣環撰正書開成三年四月五在會稽玉笥山見復齋

碑錄

京兆阿史那夫人墓誌

陳儉撰會昌二年十二月五在會稽萬歲里宋淳熙中發地得之見嘉泰志

賜李襲改大中禹跡寺勅

大中間立於會稽見復齋碑錄

勅大中聖壽院額六字石刻

額下題散騎常侍充集賢殿學士兼判院事柳公權書



在會稽見嘉泰志

勅大中聖壽院額六字石刻

額下題散騎常侍元集賢殿學士兼判院事柳公權書  
在會稽見嘉泰志

戒珠寺記

趙璘直撰貝靈誥八分書并篆額咸通三年正月五在  
山陰見集古錄又載掇英集

大慶寺象尼粥田記

裴澹撰王隨正書并額咸通三年十月五後有田段四  
至在山陰見金石錄

大慶寺復寺記

孫汝玉撰貝靈誥八分書并篆額咸通十一年二月五  
在山陰見復齋碑錄

戒珠寺尊勝經幢

王鎬書并鐫字咸通十三年八月間聞人銖造在山陰見  
復齋碑錄

禹跡寺尊勝經幢

王修已正書咸通十五年三月五在會稽見嘉泰志  
故浙東都團練使右廂兵馬使濟陰董存君翊墓誌

祝知微撰正書乾符四年十月五在山陰見復齋碑錄  
鎮東軍監軍使院記

吳玘撰天復元年八月五文見掇英集



雲門寺畫華嚴經變相讚

馬鴻嘉撰田琦分書在會稽見嘉泰志

千歲和尚寶掌禪師塔碑

在會稽刺涪山明覺寺見嘉泰志

越王碑

見鄭氏金石略

雲門寺麗句亭詩刻

在會稽見嘉泰志

吳越

重建鎮東軍府署記

武肅王鏐撰唐天佑元年五在山陰見寶慶志

勅封臥龍山神崇善王牒石幢

武肅王鏐刻梁貞明三年五在山陰見寶慶志

重修圓通妙智教院記

武肅王鏐撰在會稽見寶慶志

吳越國武肅王廟碑

皮光業撰丙申八月五當唐清泰三年在會稽又見報英集

報雲門山淨名菴長老重曜二書石刻

法華山碑

忠懿王佐撰有吳越國印在會稽雍熙院文見嘉泰志

陸參撰咸平中五在山陰見嘉泰志

重建越州龍興寺塔石刻

景德元年五在山陰大善寺見嘉泰志



會稽論海潮石碑

見西溪叢語按叢語云不知誰氏作今攷其詞即燕肅海潮論也文載嘉泰志當是天禧中刻

咸潤法師受業弟子碑

在會稽永福寺見嘉泰志

趙清獻公祖太師墓碑

在山陰承務鄉見嘉泰志

陸左丞佃祖太保昭墓碑

在山陰承務鄉見嘉泰志

唐太守題名記

宋太守題名記

鄭戩撰天聖九年四月立在府廨廳東西壁文見掇英

集

唐祖先生墓誌序

徐鉉撰范仲淹跋康定元年三月立在會稽天長觀文

見掇英集

清白堂記

范仲淹撰康定元年三月立在府廨文見文正公集

送陸軫知越州詩石刻

柳植等撰康定元年六月立在府學見嘉泰志

重建永福院記

慶歷中立在會稽見嘉泰志

裴氏義門記



過昂撰在會稽雲門文見寶慶志

王公池記

齊唐撰皇祐五年立在府廨西園見嘉泰志

小陰縣朱儲石斗門記

沈紳撰嘉祐五年十二月立文見撮英集在通判廨文見撮英集

志省堂記井儀堂記沈起撰嘉祐五年十一月立在通判廨文見撮英集

錢公輔撰嘉祐六年二月立在州廨文見撮英集

望海亭記

刁約撰嘉祐六年十二月立在山陰卧龍山文見撮英集

集

越帥沈公邁生祠堂記

沈紳撰嘉祐七年八月立文見撮英集

弔王右軍宅文

錢公輔撰在州廨文見撮英集

越州新修子城記

毛維瞻撰治平元年立文見撮英集

曹城重修廨序記字

齊唐撰治平中立在會稽見嘉泰志

雍廡寺記證慈寺記齊唐撰在會稽見嘉泰志

褚理撰熙寧三年立在會稽見周必大思陵錄

越州趙公抃救菑記

曾鞏撰熙寧中立見宏治紹興府志文載元豐類稿



禱錢湖院觀音像識事

葉表撰趙抃刻石在會稽見嘉泰志

寶林院重修塔記

陸佃撰熙寧中五在山陰文見陶山集

判官廳新建壽樂堂詩

蘇軾沈立撰熙寧中五在通判南廳文見擬英集

適南亭記

陸佃撰熙寧中五在山陰梅山本覺寺文見陶山集

清思堂詩石刻

張伯玉趙抃撰在府廨見寶慶志

范純仁純口章橐會輩晁說之江緯廉布題名

在會稽雍熙院見嘉泰志

子真泉三字

廉布書在山陰本覺寺見嘉泰志

王右軍鵞池墨池記

華鎮撰在山陰蘭亭見嘉泰志

唐白居易草書春遊詩刻

錢勰勒石州治蓬萊閣下見乾隆紹興府志

修南鎮廟記

王資深撰崇寧五年二月五文見萬歷會稽縣志

唐賀知章二告

一延和元年加階告四門助教擬宣義郎一開元四年



八月起居郎政和元年勒石在會稽天長觀徙置府學  
見嘉泰志

御製神霄玉清萬壽宮碑

政和七年立在小陰大能仁寺見嘉泰志

廣教院山壁盧天驥等題名

陸宰書凡八人政和八年三月列在小陰天王寺後巖

山摩崖見嘉泰志

賜天寧萬壽觀道士盧浩真金方符

政和中所賜面為符背鑄御書曰賜其人奉以行教有

違天律罪不汝貸在會稽見嘉泰志

楊時題名

宣和中列在會稽禹廟空石見嘉泰志

王右軍畫像

在小陰天章寺見嘉泰志

天真書院記

在州治見乾隆府志引古今石刻碑目

黃山谷賣馬記

在州治見古今石刻碑目

袁氏義門贈詩石刻

傳序撰序表李光刻在會稽見嘉泰志

祕閣續帖十卷

蘭亭續刻六卷

在州學見續刻叢編  
南宋



漏鼎銘

無數漏壺銘

漏盤銘

漏鈺銘

翟汝文撰子耆年篆書建炎二年三月刻在府廡譙門  
文見嘉泰志

判官廳重新壽樂堂記

傅崧卿撰在通判南廳見嘉泰志

唐臨本蘭亭石刻

辛道宗跋紹興元年五月立在山陰天章寺文見桑氏  
蘭亭考

大雅堂記

沈本姓山撰紹興中立在山陰尉廡見嘉泰志

王銍題名

紹興中列在會稽大禹寺菲飲泉亭見嘉泰志

雲門壽聖院記

陸游撰紹興二十七年十一月立  
在會稽文見渭南文集

高宗御書詩石刻

在山陰至大寺見萬曆府志

浙東提舉題名記

毛平仲撰在山陰見嘉泰志



卧龍山草木記

吳芾撰隆興二年立在府廡見嘉泰志  
重修紹興府學記

周紹撰隆興二年立見寶慶志

修會稽防海塘記

李益謙撰隆興二年十月立見嘉泰志  
放生池減若亭記

會幾撰隆興中在會稽見嘉泰志

修旌忠廟記

立在會稽見嘉泰志

陳澤撰隆興中在會稽見嘉泰志

劉忠顯公翰祠堂記

史浩撰乾道五年七月立在會稽圓通院文見鄒峰真

隱漫錄

貢院記

胡沂撰乾道九年立在山陰見嘉泰志

報恩寺應天塔記

錢端禮撰在山陰見嘉泰志

丞相史公浩府學義田規條

乾道中立見嘉泰志

重刻熹平石經殘碑

乾道中洪适刻在府治蓬萊閣文見隸釋

薛純一能仁寺捨田記



陸游撰淳熙十三年五月立在山陰文見渭南文集  
天長觀銅鐘題字

王廉潛八分書在會稽見嘉泰志

晉王逸少小字曹娥碑

吳師中刻在會稽曹娥廟見嘉泰志

重刻王右軍蘭亭序樂毅論并趙跋王仲息帖

紹熙四年正月趙不流刻置府廨陸游跋見渭南文集

棣華堂記

洪邁撰紹熙中立在府廨見嘉泰志

會稽縣重建社壇記

陸游撰慶元二年五月立文見渭南文集

會稽縣寬簡堂記

樓鑰撰慶元四年十月立在縣廨文見玫瑰集

會稽法雲寺觀音殿記

陸游撰慶元五年七月立文見渭南文集

會稽縣新建華嚴院記

陸游撰慶元五年八月立在五雲鄉文見渭南文集按

嘉靖中蔡亮重書刻石誤立於城中華嚴寺非陸氏當日作記之地

東籬記

陸游撰開禧元年四月立在府治見乾隆府志文載渭

南文集

靈秘院營造記



陸游撰嘉定元年五月立賢牧堂記在山陰柯橋文見渭南文集  
鎮越堂柱記袁燮撰嘉定十四年立在府廡見寶慶志

汪綱撰嘉定十五年九月立載汪綱柱記在府廡有蓬萊閣雲壑清曠軒秋風亭在

于秋鴻禧觀有爽氣堂賜紫未和是石刊惟鎮越堂記乾隆俱嘉定十五年開五  
府志採入金石門茲并附注於此

越王臺三字碑

曾耆年篆書嘉定十五年立在山陰卧龍山見寶慶志

安撫司屬官題名記

滕璘撰嘉定十六年立在山陰見寶慶志

重修山陰縣學記

陳春年撰嘉定十六年立見寶慶志

戒珠寺重修卧佛殿記

釋居簡撰在山陰文見北澗集

浙東提刑壁記

在山陰見寶慶志

錢清鹽場廳壁記

紹興報恩光孝四莊記樓鑰撰在山陰文見攻媿集

袁燮撰在會稽文見絮齋集

世練堂記

史文卿撰在通判南廳見寶慶志

王瑞明克謙浸碧亭記

王燭撰咸淳元年七月立在會稽文見乾隆府志



山陰縣重建主簿廳記

黃震撰咸淳五年五月五文見黃氏日抄

紹興府萬柳塘記

黃震撰咸淳七年二月五在蕭山〇〇文見黃氏日抄

諭飛勒碑

刻高宗與岳鄂王勅碑陰刻無名氏滿江紅詞在山陰

望海亭見萬歷府志

宋諸陵碑

園閣

凡七種在會稽寶山見古今石刻碑目

重刻蘭亭序

紹興府治二

紹興倉司一

紹興府學一

紹興古

刻一

餘姚縣治一

紹興湯氏一

紹興曾氏一

紹興石氏一 已上俱在宋理宗蘭亭集刻內見輟耕錄

稽山書院記

(元)

吳衍撰至元二十八年五文見嘉靖山陰縣志

和靖書院記

戴表元撰大德二年八月五在會稽文見剡源集

三江鹽場興造記

戴表元撰大德三年正月五在山陰文見剡源集

山陰慈恩院法華會記

戴表元撰大德三年五月五文見剡源集



右軍祠塾重刻蘭亭序并詩

馮厚刻在山陰蘭亭見剡源集

重建會稽縣學記

程庸撰大德五年五月見萬歷會稽縣志

臨池亭記

戴表元撰大德五年五月五在山陰蘭

韓性撰大德中五文見萬歷會稽縣志亭右軍祠塾文見剡源集

紹興路學重修講堂記

任士林撰大德九年五月見松鄉集

會稽唐氏墓記

戴表元撰在山陰旌善鄉文見剡源集

雲門寺記

盧集撰在會稽文見雲門志畧

五年五月見萬歷

帝禹廟碑

鄧文原撰至大四年五在會稽文見巴西文集

重修明覺寺記

韓性撰在會稽文見萬歷府志

南鎮降香記

韓性撰劉洪正書篆額延祐七年口月五在會稽文見

嘉慶山陰縣志

紹興路修禹廟記

韓性撰泰定二年孟春立文見萬歷會稽縣志



集善教寺記

程文撰泰定二年五在山陰蜀阜寺文見嘉靖山陰縣志

祭南鎮祠文并記

周仁榮撰致和元年四月五在會稽文見兩浙金石志  
祀南鎮頌

紇石烈希元撰至順中立文見萬歷會稽縣志  
會稽佳山水五字石刻

趙孟頫書在會稽朱氏園中見古今石刻碑目  
修山陰縣治記

韓性撰見宏治府志  
重修曹娥廟記

韓性撰重紀至元二年五在會稽文見正統上虞縣志  
紹興路新學記

黃潛撰見至正十五年潛撰紹興路重修儒學碑  
重刻宋李公麟蘭亭楔圖

後有宋曾宏父考究年跋在山陰見天下金石志按此正初總管宋文瓚所刻見黃潛宋公去思碑

重修山陰縣學記

孔瀛撰至正二年五月立文見嘉靖山陰縣志

開元寺鐘銘

釋子清撰至正三年鑄在會稽見明洪武中釋文會重



鑄鐘銘叙

重修山陰縣學記

李孝先撰至正五年立文見嘉靖山陰縣志

紹興新城記

楊維禎撰至正十三年三月立文見東維子集

紹興崇福寺記

劉基撰至正十五年立文見誠意伯集

重修山陰縣學記

劉基撰至正中立文見嘉靖山陰縣志

靈峰寺活水源記

劉基撰至正中立文見萬曆會稽縣志

會稽徽命鐘

(以下無時代)

晉太興初剡人陳清於井中得校鐘上有古文奇字十

八字其可識者曰會稽徽一作徽命見宋書符瑞志

越王銅嬰

晉太元中謝輜掘即廳柱下得之題作越王字是今隸

書餘不可識見嘉泰志引輿地志

拈花寺古碑

在會稽三街埠見康熙會稽縣志

渴蛻二字

舊傳王羲之書在山陰葢山書院後摩崖見乾隆府志

蛟平寺井碑



國朝康熙中寺僧掘井得之見康熙山陰縣志  
楔泉二字。

在山陰婁公埠斑竹菴內井口見康熙山陰縣志



漢李氏鏡

此鏡為朱寶來司馬故物制作精絕銘末署款尤漢鏡所罕觀寶來名之琛山陰人者金石收藏古器甚富與余向有姻連壬戌春曾一握晤別甫數月遽以疾卒身後家中不戒于火所藏蕩然此鏡即從煨燼中檢出色白類錫蓋銀汁外洩也昔人云漢鏡以銀合鑄於茲益信

錄傅節子先生華延年室題跋



秦漢瓦當文字續集

余夙嗜金石而于古磚瓦當搜羅尤多以其值廉力所能致客秋  
得程氏瓦當文字喜其仿漢人翻沙法摹拓惟肖因檢所藏瓦當  
打本楮質與之相似者排比成冊以為續集中惟九字瓦為程本  
所未載其餘均已著錄然彼從錫范濡脫此則拓自原本中朗虎  
賁識者自能辨之

錄傅節子先生華延年室題跋



求恭審專

曩得求字磚五文字各別此其一也文曰求恭審無時代細案字  
體當是南朝物或據說文云求為裘之重文古文省衣此即裘姓  
省文案古今姓氏書辨證引姓苑云求本仇氏避難改焉漢有求  
仲又案元和姓纂云本裘氏改焉又考漢書何武傳云武弟顯家  
有市籍祖常不入縣數負其課市晉夫求商捕辱顯家師古註求  
姓商名據此則自來古<sup>固</sup>有求姓恭審殆其名也

錄傅子式先生過廬題跋



漢三老諱字忌日記附釋文

傳節子先生釋

右三老諱字忌日記乃其孫邨所作額斷闕姓氏里貫無考左分四列外加界縷其中四五六行不等一二列為祖父母父母諱字忌日三四列為九子二女名字邨亦與焉右通作一長格載記文三行共二百一十七言據所記父母忌日一在建武十七年辛丑一在建武二十八年壬子考列代建武紀元者凡六惟漢世祖有十七暨二十八年正值辛丑壬子與此脗合雖未著桀勒歲月而為東漢初物則無疑義咸豐壬子餘姚周君世熊得之客星山中今藏于家兩浙石刻向以建初元年大吉買山記為最古此則更在建初已前且兩石均出越州足為吾鄉生色買山記已載越中金石記此以晚出見遺近時趙檣叔續寰宇訪碑錄始存其目蔣

生沐身涉... 並錄其文惜叢記所釋多誤殊不足據爰與魏稼孫鹹尹參互審定另釋于右

三老諱通字小父

椽諱忽字子儀

庚午忌日

建武十七年歲在辛丑四月

祖母失諱字宗君

五日辛酉忌日

癸未忌日

母諱捐字謁君

右第一格凡四行行七字

建武二十八年歲在壬子五

月十日甲戌忌日

右第二格凡六行行字不等

伯子元曰大孫

次子邨曰子南

次子但曰仲城

次子土曰元土



次子紆曰子淵

次子富曰少元

次子提餘曰伯老

子女曰無名

次子持侯曰仲雍

次女反曰君期

次子盆曰少河

右第四格凡六  
行行字不等

右第三格凡六  
行行字不等

三老德業赫烈克命先已汁稽履仁難名兮而石九孫日月虧

代猶元風力寸第一行 邨及所識祖諱欽顯後嗣蓋春秋義言不

及尊翼上也念高祖祖字左  
側補刻至九子未遠所諱第二行 不列言事

觸忌貴所出巖及焦敬曉末孫蕭副祖德焉

曩歲丙寅里居姚江周清泉過訪携贈是刻拓本數通并出跋尾

手稿相質藏 十餘年疊經友人請乞今夏曝書檢跡行勝勵存

此本亟剪裝成帙手署釋文復屬郭幼安茂才為錄此跋附入冊

末俾此碑出土顛末有所考見惜清泉墓草已宿不獲重與賞析

撫物懷人曷勝做兩

錄傅節子先生華延年室題跋



陳太建四年專

古昔隸楷淵源惟賴碑版以考因變而南朝石刻寥々又藉磚甃流傳得想見過江士夫書体此磚文所以與金石遺文並重也陳石世無一存磚亦罕觀家君曩得太建四年作者一至德三年作者一書法與隋龍藏寺碑及諸州舍利塔銘絕相似雖各祇五年言而一朝書体籍可考見大概良足珍也至德磚旋為趙撫叔大令索去今琢是磚為硯日置几案以補石墨之闕

錄傅子式先生邁廬題跋



吳黃龍元年磚

右磚文曰黃龍元年八月上虞王元方作魏稼孫丈何馬竟山司馬各得其一是一范所成趙氏續寰宇訪碑錄列之西河漢按漢宣帝吳大帝並以黃龍紀元細宋是磚字体秀整稍改漢人渾樸之舊其方折之筆駁；開神識碑而尚不甚縱計吳黃龍元年先於天璽元年幾五十載風氣正應爾也五銖錢文既漢甓所罕觀其上下界畫外作聯珠半形尤與天紀諸磚式合上虞本吳屬地是磚當改屬吳為允

錄傅子式先生過廬題跋



左文襄何煖叟跋法華寺碑

北海書法照耀宙裔吾越秦望山法華寺一碑尤為傑作敲大礪  
角原石久亡翻刻本一如蘭亭謹具面目曩見左文襄新疆何煖  
叟濟南二複刻本態度各極其妙真古墨續命之湯文襄平定西  
域闊地萬里秦凱天山拔戈誨藝讀其跋語雖寥寥百餘言風度  
真有不可及處煖叟跋語則攷訂詳足為此碑石史以闕吾鄉金  
石政實合彙錄之 按濟南複刻本現藏山東圖書館

左文襄公跋云北海法華寺碑世稱孤本道光初先仲先景喬  
先生從勞文毅公許借得一本示余蓋賀耦耕尚書所藏者愛  
玩不置未久勞復索還光緒三年余持節酒泉督諸軍平西域  
疎勒既定餘威仍震王霞軒觀察贈我是本庸從事李佐典鈞  
泐諸本以廣流傳溯自創見至今蓋五十有四年矣頭白臨邊  
追維曩昔髣髴長沙夜讀時也刻成拓一本貽霞軒並原拓還  
之識此

何煖叟跋云李石刻惟大照禪師碑余未及見所見者若戒壇  
銘葉國重碑娑羅樹碑東林寺碑皆翻刻失真李思訓碑任令  
則碑端州石室記麓山寺碑李秀碑廬正道碑靈巖寺碑龍興  
寺額各造妙境而純任天機渾脫充沛則法華寺碑為最勝去  
春在吳門韓屢卿丈詒此宋拓本攜至濟南付老僕陳芝重刻  
神理難追規撫粗具矣高僧傳載曇翼構法華精舍事與碑志  
合惟翼逝後立碑山寺會稽孔道製文不知北海曾及見否此  
碑翻本疊出無論筆勢全非即文字亦多舛改如秦望山上增



大唐字與後題唐開元復出括州或作栝州十徵誤十徵基筆  
筆作基或誤不缺陳州邑史隨國檀施誤作陳隨國施州邑史  
檀偃婁萋花作曇異花有耿投竿作有取扳竿像先發瑞下誤  
接臺壓龍肯刻石人東海伏靈芝作東海伏靈芝刻石皆訛舛  
顛倒可笑未題開元二十三年十二月八日建按新書本傳開  
元二十三年起為括州刺史立碑正在其時金石錄輿地碑目  
俱不誤翻本十一年十三年皆者謬也戒壇銘開元三年立葉  
有道碑開元五年建皆題括州刺史偽作顯然盧正道碑以天  
寶元年二月立尚題括州刺史上距開元廿三年廿八年靈巖  
寺碑題天寶元年某月壬寅朔甲十五日丙辰改是十一月所  
立銜書靈昌郡太守者時初改州為郡刺史為太守靈昌郡太  
守即滑州刺史其年蓋由括州遷淄州又遷滑州舊書謂由遵  
化尉累轉括淄滑三州刺史天寶初為汲郡北海太守新書謂  
開元二十三年起為括州刺史歷淄滑二州刺史上計京師出  
為汲郡北海太守天寶初李林甫忌之因傳以眾叙次皆未翔  
實此拓足正諸碑之誤兼糾二史之疏矣近日阮氏兩浙金石  
志杜氏越中金石志皆從翻本錄入社志云法華寺唐大中時  
改為天衣寺碑高八尺六寸廣四尺又引周錫珪跋云碑重立  
殊洵惡曾見舊拓三種亦不知誰為真又引萬曆紹興府志云  
寺後十峯堂有李邕斷碑石按周氏所見定皆翻本上峯堂前  
斷石或是原來妙斲耶北海書與魯公同時並驅所撰書多  
方外之文其剛烈不獲令終亦略相似余於顏書手鈎忠義堂



帖收藏宋拓本祭伯文祭侄文大字麻姑壇記李元靖碑於李  
書見北宋雲麾原石全本於番禺潘氏收得宋拓麓山寺碑於  
杭州蒐得靈巖寺碑兩段於長清見古拓廬府君碑於崇兩於  
中丞處今復得此帖墨緣重疊可云厚幸竊謂兩書公律皆根  
矩篆分淵源河北絕不依傍山陰余習書四十年堅持此意於  
兩公有微尚焉苦臂腕孱弱復多耆少專瞻望前哲徒增歎媿  
耳

楊氏惺吾望堂金石跋云北海法華寺碑原石久佚翻本疊出  
文字筆法皆失本真近傳道州何氏重開于濟南者考證詳密  
足訂俗本之謬然其神理難追何氏已自言之余酷嗜金石文  
字逾三十年凡何氏所贖北海之蹟皆得見之又得見大照禪

師碑及李秀碑全本又藏麓山寺宋拓獨未見法華寺原本先  
緒甲午三月南通州范君仲林鐘以所藏相示字勢雄奇墨色  
沉古乃知何氏刻本雖文字不誤其體格筆蹤失之遠矣據仲  
林言此碑歲其家數世矣其間得而失失而復得若有緣契者  
仲林以余好之篤也假而摹之匝月乃竣括州柴九猶能想像  
遇之何氏稱北海與魯公書律皆根矩篆分淵源河北絕不依  
傍山陰余意今日所傳石軍真跡何如唐代今日所傳此碑又  
何如李顏二公所見依人門戶不自立面目安能籠括一代智  
過其師方堪傳受山陰河北皆在合離間此李顏所以歷劫不  
磨者也道州書法為近世一大家余所服膺其不耳食稊序故  
能獨出手腕然其斷斷於南北之界未知後世視李顏二公為



何如也既為仲林跋于原本越二年以鈎本八本即書其後丙申二月宜都楊守敬

以上見清顧燮先夢碧簃石言卷一

宋義國夫人虞氏墓誌

讀吾鄉趙益甫先生補寰宇訪碑錄云宋保信軍節度使趙與華妻義國夫人虞氏墓志道先已酉江陰方可中得於會稽州二郡昌原水中余曾為之跋并願購置家廟以貧無資中止後可中移至杭州庚申以後無從問矣年月遺忘姑書其目以俟見者按此誌全文載魏稼孫續語堂錄係德祐乙亥正月趙魏交誼極篤趙著補寰宇訪碑錄魏曾與參訂竟未告知足見著書之難二金跋云義國夫人志第也表成之軸既摹刻別可以齊八續連拓本奉贈按此則此誌拓本趙氏尚有之而原石久佚矣以闕

吾鄉金石錄其文於右

義國夫人虞氏誌

據會稽潘君良駿錄十八行第四行世五字餘行卅六字正書趙偽叙云石高二尺二寸

唐一八五寸裁八數咸豐庚申杭州亂佚

先妣虞氏諱與恭世居越之山陰曾大父諱賓朝散大夫比

部郎中知饒州妣桂氏封宜人 大父諱明夫朝散大夫妣

氏封恭人 父諱卿儒林郎泗州錄事參軍 妣杜氏正獻

祁公五世孫也 先妣生於開禧丁卯五月二日及笄歸于

先君保信軍節度使與華為楚孝節王伯旰之曾孫婦吳宣獻

王師意之孫婦 咸寧郡王希承之家婦淳祐七季月榮文恭

王妹婦 特封宜人景定三年進封碩人咸淳六年以孟秦該

皇后款謁恩 特轉和州防禦使 進封咸寧郡夫人七年該



明裡恩 封正政郡夫人 先妣秉性溫柔律已勤儉事上以  
孝待下以寬接姍族以和處閨門以肅不幸

先君蚤世孀居謹守柏操甚堅惟延師教子期紹家聲孟窆侍  
母游宦入綴宗班未嘗不以承順為先咸淳壬申冬得

旨特轉福州觀察使克 榮王國令奉 侍歸里以便 親養

暮景優游自謂可登上壽忽一夕呼孟窆來前曰吾衰矣勢必  
不久復戒之曰忠孝勤儉爾家相傳之道爾宜遵守言未竟俯  
然而逝人皆謂此生平好善之應母子相依俄頃永訣嗚呼痛  
哉特咸淳癸酉十一月一日也享年六十有七訃聞

度宗憫悼特輟視 朝錫腦承祕器以斂頒內帑金以贖 恩  
隆世母追封義國夫人綸誥有柔嘉有儀慈儉為寶之褒其為

哀榮可謂至矣男一人孟窆孫男二長由恕承節郎次道真尚  
幼女四俱忍死以德祐乙亥正月一日奉柩葬于會稽五雲口  
口鄉口口之原從 先志也葬日薄未暇乞銘於當世鉅筆姑  
識歲月納諸幽孤哀子趙孟窆泣血謹誌

眷末中大夫直秘閣會稽縣開國男食邑三百戶趙時彌填  
諱

附 近 人 題 字 二 段

道光己酉六月江陰方可中得此石一角于馬陵北二里使人  
求諸河三日乃尋金石案夫人為宋度宗世母葬廕不薄今墓  
無可考矣石泐其姓諦視是虞非盧知紹興府事漢軍徐榮記  
右正書二行在誌前



此刻雖五百餘年文中諸人妙是越州名賢可寶貴也已酉  
六月得此石因記中可注石行書二行在誌後

### 金石各刻之前知

術數識緯之學在虛無縹緲之間附會者於金石文字亦神妙其  
說若為信有其事是可惑矣兩浙金石記云晉保母碑之後八百  
餘載知獻之保母宮於茲墓磚出實八百三十八年獻之前知異  
或臨桂况夔笙先生蕙風移隨筆云唐賈夫人墓志末一行云後  
一千三百年為劉黃頭所發道先初先氏縣人劉黃頭墾地得此  
碑李輔先墓志銘末云水竭原遷斯文乃傳某年涇河南岸崩壘  
水絕流三日是碣適出攷古者因謂唐人術數至精按賈夫人之  
年距道光才及千年錢儀  
吉辨之唯劉黃頭之名乃巧合耳夷堅志云怡州郡團有亭曰天

繪郡守李丕以犯金年號易之曰清輝後眠積壤中有片石刻云  
予擇勝得此亭名曰天繪取其景物自然也後某年月日當有  
易名清輝者為一笑此與前兩事相類又池上草堂筆記錢梅溪  
曰秦容莊都轉購得族中舊第土中掘一小碣上有字曰得隆慶  
失隆慶後攷此宅建於前明隆慶初年其售與秦家以乾隆六十  
年立議嘉慶元年交割故前為得隆慶後為失隆慶也則是明人  
猶精此術矣方氏彥聞河南縣志云唐范夫人墓志銘中有長夜  
窮泉字一闕千年句此志於乾隆二十七年出土距唐天寶三載  
恰符千年之數銘曰一闕千年遂為識語又適於道光三年搜求  
入志歲次亦在甲申蓋甲子十八周矣脗合之奇亦非偶然羅氏  
叔蘊隨趙洪專誌跋云誌有千七百年為樂受所發語與董穆墓



誌未記為張大女所發唐李君妻賈氏墓誌一千三百為劉黃頭  
所發語正相似實誌以通光三年出土上距唐建中二年計千又  
四十二年今此專自開皇己酉至今適得二十二己酉計一千三  
百二十年亦不合七百年之數意此等乃當時好奇者隨意妄書  
非真有先知之術也又汲縣新出土唐天寶二年正月李宗墓誌  
未祀葬後一千七百年有張天女所發年數  
亦不符

以上見清顧燮先夢碧齋石言卷二

### 宋謝景初書考經碑

吾越府學內宋熙甯壬子八月孝經刻石為北宋謝景初所書兩  
浙金石志誤為張南軒書陸氏存齋儀顧堂題跋以南軒生於南  
宋紹興三年上距熙甯壬子六十二年不但南軒未生即南軒之

父張浚亦未生識文違攷證之疎陸存齋儀顧堂題跋卷八云兩  
浙金石志誤為張南軒書陸氏存齋儀顧堂題跋以南軒生於南  
宋紹興三年上距熙甯壬子六十二年不但南軒未生即南軒之  
父張浚亦未生識文違攷證之疎陸存齋儀顧堂題跋卷八云兩  
載有宋張南軒手書孝經碑款題熙甯壬子八月壬寅書付任  
時宴鄧之廢寺居東齊南軒書案張南軒名拭字敬夫廣漢人卒  
于禧熙七年年四十八見朱文公集不文修撰張公神道碑認  
此當生于紹興三年上距熙甯壬子六十二年不但南軒未生即  
南軒之父張浚亦尚不知此碑為謝景初所書碑款居東齊南軒  
乃東齊之南軒非  
宋生耳文違疏矣人名也陸氏未見越中金石記杜氏越中金石記蕭山王兆蘭書  
後云考任不刻不載書者姓名亦  
不詳刻時歲月據歐陽永叔撰知鄧州謝墓銘及山谷集任珙註  
續會稽掇英集詩王介甫撰謝景平景回墓誌辨任後所題書何  
任慙為知越州謝景溫之子景初之侄景初即謝絳之子此刻即  
景初所書熙甯六年所刻以證乾隆紹興與府志等書據南軒二字  
以為張敬又未攷廬陵集以疏譏文違不知已亦疏矣

### 越中石刻九種

吾鄉王子獻先生繼看以翰林以官知府聽鼓河南署河南府為  
同僚所給未能接篆嗣疾終於某釐局差次文人次壞始命官磨



蝎耶先生酷嗜金石雅善篆隸曾讀其石印越中石刻九種原序云越  
中金石甲於兩湖杜氏記后又七十年壞刻璋文日出不已悲盦  
既逝湘涓亦亡廢椽無人湮佚滋思爰檢舊拓小品益以所得付  
諸石印略存古文甄推免勞波磔畢見用餉同嗜亮符賞心至若  
豐碑巨碣踵事增華姑从闕如以該博雅先緒二十二年歲在游  
桃潭九日王繼羅故鄉之珍品聯古墨之奇歡釋跋文字亦極古  
香子獻甫識

### 漢黃龍專

按黃龍紀元者漢宣帝與吳大帝兩朝宣帝建元七其末為黃  
龍止一年歲在壬申陸竺益比部舊藏黃龍三年虫字體雄放  
與此廻殊此西漢文字適古所由勝於孫吳也造專上虞王元  
方山陰徵士沈復榮所藏劫後留此世易餽糧兮歸魏子登文房  
廿五前事能思量我詔但志交情長愧尔不輕去其鄉搗煉作  
同治丙寅

右西漢黃龍虫二上虞王元方作殆同出一範者本山陰沈霞  
西老人藏器其一虫斷文完叔后歸仁和魏稼孫乞趙搗朱允  
生作詔其一虫完而黃字已損為何竟山太守所得或以虫側  
五銖泉連銖等紋與天璽天紀諸虫相類疑為孫吳時然以字  
體論其為西京古甕無疑太守仲嗣豫才孝廉持示拓本爰命  
大兒祖杰撫真焉端

### 東漢建寧買山荆

錢竹汀宮詹云古者書契多以竹簡故傳別字或从竹筍隸受  
作筍与移蔣之荆相混此荆朗然作筍猶存古意  
五風里見嘉泰志即今山陰北鄉安倉鎮安倉今作安昌其地  
尚有馬衙橋可證



建寧墓臺五

此東兩側有文以筋文推之當延下當有壽墓等文惜已殘矣其正面作麻布紋

魯卓爰得之作視以贈 何竟山太守然覲七言律於背注釋頗詳且云北鄉安昌鎮潘氏望族此或其祖塋特以年遠宗牒失考耳

右建寧潘延壽墓荆泉北鄉五風里墓塋各一拓乃 魯文卓爰所貽其後墓塋四則安昌馮子鹿伯所拓示也光緒甲申同時出蕭山縣東柘塢山古塘中建寧為東漢靈帝首祚太歲戊申歷今甲申出土噴一千七百一十七年當時僅見後四處愈疑馬銜為人將作為官洎見墓荆與五風里一塋始知為潘延

壽墓而馬銜將殆其官名歟然漢史無徵惟五風里見嘉泰志可證耳曩余客明州陶湘濬學使首以新出漢史詩郵示及歸里門沈雲颿贊卿兩廣文潘栱石布衣先後以馬銜將作書見贈迨歲歸自京師鹿伯躬致塋拓幾如筍束其手自琢視勒銘者蒼不下二十餘塋而荆與五風里一東固未嘗寓目也益嘆卓爰博蒐精鑿為不可及矣茲彙集拓本於此并志諸君子惠我之誼惜二沈與陶潘兩君墓久宿竹不獲相與賞晰為可也慨燔越窳甃杭山出重睿文斑斕矣鐫迄今幾遷爰咄余寸土猶屬溘

瑤仙觀簪 永用 丁亥八月王繼香銘

余為友人詔建寧東者先後不下八九方皆忘之矣頃猶子祖



烈檢呈予繼業子錄所拓本蓋丁亥秋中為卓竇魯又勒詔者  
附存於此以見一斑

### 吳神鳳買冢前

此吳神鳳孫氏買冢前亦卓竇所貽拓本按鳳皇山在杭州府  
南其爵與人史志無文其字體隸楷相雜適勁可喜足與建寧  
太康兩前鼎峙前之音義制度錢官詹金石文跋尾攷甚詳至  
此前何年出土何人藏弄師丹健忘不能舉之矣

### 吳永安明塲

宋溥熙癸卯陸放翁家鑿渠得塲文曰永安五年七月四日造  
見嘉泰志蓋後此一年也南宋距今七百三四十載當時偶獲  
古甃著之志來已珍重若此況今日乎

光緒己卯嘉平余與六弟子詒雪中登臥龍山經龐公池顏垣  
中得此斷專按永安紀允者五惟吳景帝至七年景帝以戊寅  
十月改元四

年正歲在  
辛巳也餘則僊一二年其為三國時物無疑旋取鄞寓留東

於斜欄老屋焦庀樓下庚辰二月回里將製為硯而聞子詒以  
襪母疾請代自投月湖歿遂擲虫而東洎辛巳冬始攜之回明  
壬子八月方謀磨琢復丁終堂之戚未幾扶服回里倉猝中又  
失之至今惋恨頃以故紙中檢得打本猶是子詒曩時手拓者  
人琴俱亡對之泣然

### 晉太康買地前

舊藏太康瓦前拓本忘其來處證之金石契樞本肥瘦脗合惜  
紙質微腐觸指便碎爰詒大兒祖志小兒祖榮影鈞廓填一本



點畫波磔豪釐不差視金石契有過之無不及也

右太康瓦剝萬林初會稽倪光簡翁地內掘得之柳元毅購之以易徐天洫畫後歸山陰童二樹象人不知尚在人間吾詳在徐文長集葉氏金石錄補錢氏金石文跋尾續張氏金石契及杜氏金石記茲不復贅

晉王大令保母專志

釋文

其波減處越中金石記補十五字以小字別之

郎耶王獻之保母姓李名意如廣漢人也。在母家志行高秀歸王氏柔順恭愍善屬文能草書解釋老盲趣年七十興寧三年歲在乙丑二月六日無疾而終。中冬既望葬會稽山陰之黃閣岡下。殉以曲水。硯植雙松於墓上立貞石而志之。悲夫。後八

百餘載知獻之保母宮于茲土者尚□□焉

刻高一尺三寸廣一尺二寸元蹟十行行十二字

保母志始末詳載金石粹編及越中金石記其宋元已來名人題跋則鮑氏知不足齋坊刻叢書中四朝聞見錄後專以宋嘉泰壬戌六月出山陰黃閣古塘中距大令晉興寧乙丑書碑時實八百三十八年特大令年才二十二而能前知如此有類漢滕公石室三千年後曹娥碑五百年後之語宜姜白石目為至寶連作十跋賞其有七美謂不特書法類蘭亭也惟此專出土歸王千里幾未久即為韓滉胄所奪置入祕府淪為灰燼故拓本傳世極鮮董文敏則以周公謹藏本摹入戲鴻堂法帖雖增減行字以就帖式不免為大雅所譏然王氏稱其鉤勒精



工直與真蹟無異今則不特真蹟絕世即戲鴻元拓亦罕見矣  
魯卓突舊藏戲鴻元拓十年前曾乞余跋尾茲又以其借印以  
公諸世不惟為越紐之先亦大啓青箱之祕矣

黃閔地名嘉泰寶慶二志俱未載杜氏引宋王英孫詩有名  
重黃閔九里山之句謂九里岬禹陵里許而黃閔無攷余外  
王考

俞萼樓贈公嘗築生壙於黃閔嶺余童時嘗躬履其地俗評  
會稽山去謝墅山步約十五六里又官山巖聖姑廟前有宋  
嘉祐二年界碑有曰口至會稽縣祔村可證也尔氏閔謂之  
門祔同廟門亦巷門也朱竹垞老人題徐尚書原一所得保  
母志拓本曾詳箸之

齊永明石佛背銘

此紙亦二十年前止第手拓者人生安得汝壽悲夫

嘉泰志云石佛妙相寺唐太和九年建魏南崇寺會昌廢晉天  
福中僧欽於廢寺前水中得石佛遂重建焉石佛高二尺餘背  
銘十六字筆法亦工案會稽未嘗號吳郡此石佛既得中之水  
中又一人可負之而遶者安知非吳郡所造而遷於會稽耶

杜氏金石記引三寶感通錄云晉建興元年松江漁者遙見  
二人浮游海上吳縣朱膺聞之潔齋迎之二人隨潮入浦漸  
近漸明乃知石象昇還通元寺象高七八背銘一名維衛一  
名迦葉據是則維衛象本在吳郡通元寺好事者因就其地  
模造迎歸供歎耳



隋大業龕埭

此處為山陰魯卓窳觀龔先家珍已手琢為研余嘗借得之

留案頭數月揭取數本以詒同志按餘登即今蕭山縣趙沾名

足補邑志職官表之闕卓窳祖貫蕭山可云楚弓楚得矣

唐開元堪壘

此唐奉軍李堂所造永安寺佛堪壽也亦卓窳所歲嘗手搨

其文示余及何豫才孝廉按嘉泰志會稽有永福寺而不及

永安寺其列銜徵之史志亦皆不合又按府志職官唐特君佐

李氏最盛而獨無奉軍李堂書缺有間可勝道哉

以上見清顧燮先夢碧籒石言卷四

錢竹汀先生竹汀日記刻繆荃孫藕香零拾叢書

初八日己亥晴晚登紹興府署東大觀樓城中煙火萬家歷

歷可數南望怪山如相拱揖東望王家山蓋即戴山也由樓後

盤旋而上過五賢祠廢址已鞠為茂草旁有石甃小池水猶不

竭厓下鐫龍湫二字又有嘉靖己酉十二月云云視之未審又

西更上數十步有碑康熙中知府李鐸所撰百忍堂也今堂亦

無存

初九日庚子晴由大堂後堂為俞守卿重建本名又新堂今

名之曰思補今止緣磴而上舊為松風閣今無一椽惟石上刻

悔翁書與造物游四字尚存又上一層地亦平坦更折而上平

敞如前皆昔人置亭館處西為望海亭與此相值為廨牆所限

不得往仍由向路而下東為翼然亭舊供純陽祖師象今供大



士象嘉泰志廳之後為蓬萊閣今不可問秦少游詩林聲槭槭  
動秋風共躡舟梯上卧龍路隔西陵三兩水門臨南鎮一千峰  
湖吞碧落詩爭發塔湧青冥畫幾重非是登高能賦客可憐猿  
鶴自相容竊意松風閣即蓬萊舊址洪文惠常摹刻漢鴻都  
石經遺字於蓬萊閣今世無傳本過此增人懷古之思

十四日乙巳晴 出府儀門西緣石磴逶迤而上登望海亭亭  
踞卧龍之巔四望空闊直北海氣微茫一綫縈白東南則千巖  
萬壑青翠疊映西則平疇方畝淺水通舟纖悉可數小坐石閣  
久之乃下將訪城隍廟西南取道過山陰縣廨後入停雲禪院  
又西即城隍廟入門石為崇福侯廟記其碑陰則紹聖中重修  
廟記也吳疇撰王仲尊書左為昭佑公勅牒其陰則紹興元年賜額顯

寧廟勅殿前香鑪一明萬曆三十年所鑄周遭刻施錢人姓名推  
東閣大學士朱賡題字一行別為廟門外有照牆由西出有碑亭亭中  
為明人碑亭左一碑嵌壁間文多漫漶首行題重修顯寧廟碑  
疑亦宋刻此廟尚是唐宋遺迹元時更立廟於山麓相去里許  
土人因目此廟尚為上廟廟之北麓為包公殿神洲殿

廿九日庚申陰 出儀門石旁有元紹興路總管府推官趙承  
務及貢承務去思碑各一並李節撰李中立書泰不華篆額明成化中  
重立又有紹興府地圖碑明成化中刻其陰則邱瓊山所撰水  
利記也再登望海亭雨後山色益蔥翠千巖萬壑如披圖畫亭  
後有徑石出大石林立多唐宋人題名其可辨者云貞元己巳  
歲十一月九日開山其後續題云後三百年元祐戊辰游卧龍



山八分書殊有法其下則題點刑獄呂升卿題名餘未及讀擬  
募工盡搨之皆郡志所未載也

初八日戊辰晴 是日遊戒珠寺王右軍故宅也寺門外有池  
池上石幢漫漶不能讀登戴山上萊竹亭謁劉念臺先生及湯  
太守祠祠前為書院諸生肄業於此山之巔有白塔俗稱王家  
山其東麓有天王寺欲往不果行出寺南行二里許至開元寺  
本董昌故宅吳越武肅王改為寺寺門外有石幢當時是唐宋  
時物次遊怪山入清涼寺寺後浮圖七級所為應天塔也登初  
層倚闥四望目極千里了無障礙塔下有張元忬所撰許公祠  
記元度官止丞相掾張記題為晉丞相此不學之過也

初九日己巳晴清明節 出常禧門即阜  
偏門登舟西行過何山橋沿

亭山之麓而行行數里乃回至偏門沿城折而東過殖水利門  
稽山門南行五六里謁大禹廟廟左為窆石亭石高不及丈下  
豐而上削似秤錘然土人謂之秤坵石上有一穿右半隱隱有  
字似漢隸旁有會稽今趙與陞來游男孟握侍十二字八分書  
又有題名二行云員嶠真逸來游皇慶元年八月八日出廟門  
左行有坊其上有碑亭大書大禹陵三字又南行二里許為南  
鎮廟入儀門右有鄧文原南鎮廟碑書法甚工大殿像設甚嚴  
其後殿為夫人象兩廡郡人祈夢於此頗有驗儀門左右各有  
夾室豐碑林立拭苔一一讀之其可稱者於左得元碑一韓性  
所撰降香記也於右得元碑四其一為大德加封四鎮聖旨碑  
其陰則監郡也先帖木兒所撰記也其一為南鎮廟官田記韓



性撰并書碑陰則記田畝之數其一為至元二年代祀記為馬  
兒撰其一為重修南鎮廟碑泰不華書儀門之外東西各有碑  
亭東有元碑一至元五年代祀記揭矣斯撰并書碑陰為元統  
三年代祀記西亦有元碑一至元三年代祀記林宇撰并書以  
紹興 以上見清顧燮先夢籙石言卷五

隋呂超殘墓誌

大江以南隋以前石刻已寥若晨星銘幽之文更同星鳳晉保母  
磚誌佚已多年此外未見發現之品近年河洛區域時出古珍南  
方惟粵東出前陳劉猛進墓碣亦隋刻也戊午正月訪戴山陰徐  
君臣獲出示隋呂超墓誌拓本殘蝕過半存字僅百餘用筆如綿  
裏針蓋猶鍾王遺意石於丙辰十一月螭陽謝塢出土為陳君國  
賢所得張君極元著有跋語攷訂亦詳因吾越環寶合著錄之

呂超殘墓誌

正書 拓本高一尺二寸廣一尺四寸後  
半已殘 蝕行數不可計每行約二十餘字

口口墓誌

口政龍口將軍隋郡王國中軍呂府君諱超口口口東平人  
口冑與自姜奄有營邱飛芳口口口口口宮鄉邦  
今居會山陰口口口口口口口令譽早宣故孝弟出  
口口口口口口口口口口口風猷日新而脩討有口口口  
口口口口口口口口口口口歲在己巳夏五月廿二口口口  
口口口一年冬十一月丙口口口口口口口口口口口同  
口中軍將軍劉口口口口口口口口口口口金石銘誌風烈者  
口口口口口口口口口口口口口口口口口口口口口



口口口口口口口口口口知應我以下字

此石丙辰十一月在螭陽謝塢出土即被開灰石工斷而為  
二鋪石路中丁巳五月為內弟陳國賢季才所見出數金易  
之携歸洗視可識者尚及百字後半石已磨滅殆盡年號亦  
損泐不見惟干支巳巳尚可辨識知為隋煬帝大業五年因  
查隋祇一巳巳也君諱超史冊不載無從詳考官銜龍字下  
疑為騎字考隋曾置龍騎將軍書法似董美人誌秀逸過之  
予即手拓八紙此其一也丁巳五月松島張拯元識

以上見清引樂克雙碧石言卷六



符秦廣武將軍碑 在陝西宜君縣石已佚

稷山論書絕句曰廣武將軍號大首

北史羗之首豪曰大以官為氏故碑陰有首大之稱

細筋宕逸氣雄邁善移部位迷方物衣鉢千年蛻道州何媛叟  
晚年多叅此碑妙諦宣統三年歲辛亥五月跋於姑蘇旅次  
東湖居士陶潛宣年六十有五

以上見清顧燮光夢碧簃石言卷五

此段應在錢竹汀先生竹汀日記之前



東陽何氏蘭亭原石

定武蘭亭原石久佚五字未損之本在元時已不易得攷求紙墨於肥瘦之間複本至百數十本古今聚訟勞如亂絲而蘭亭幾無真面目矣東陽郭君子衡為熨言東陽縣東南四十里南上湖何姓家藏有定武蘭亭原石已裂為三子孫分藏孟仲季三房如欲六至為珍貴非彙聚不能託拓傳本極稀是蘭亭真本尚在人間與何朔漢劉熊碑陰經予訪得同一愉快訪古搜討之功焉可緩哉戊午仲春郭君旋里以拓本郵示雋逸迴異俗本並何氏士英原跋王明清揮塵錄云薛紹彭既易定武石刻為陵祐取入請康緘以馳進高宗駐蹕維揚置諸左右踰月兵至既渡江遂失此石及向子同為揚帥今冀搜之竟不獲全承乏兩淮鹽使實治維揚石塔寺者古之木蘭院也寺僧浚井得蘭亭本缺其一角字多剝落其紹彭所易高宗所失者歟昔黃庭堅與周子發游荆得名本

蘭亭意唐時臨仿多有存者南宋悅生堂契帖廖瑩中泰定武諸本命工王用和勒石幾至數千餘匣余幸得渡江以前者計中開遺失凡三百有二年朝廷寵賜臣山身受之許一片石以遺子孫尚世守之勿棄諸榛莽可也正統丙辰季夏望日何士英自識登張元忬何氏家藏石刻蘭亭文歲京持定武石刻蘭亭屬余

紀巔末因言曰永和九年三月三日王逸少輩四十二人修禊事揮毫製記乘醉而書若有神助祕藏於家藝凡七傳陳天嘉中為僧智永所得太建中中獻之宣帝隋平陳又獻之晉王廣廣中為寶歸於僧智果智果傳弟子辨才藏藏室之梁下唐太宗好二王書法使歐陽詢求得之詔虞褚輩臨本賜諸藩而真本殉葬昭陵高宗以歐陽詢臨本易之留真本於內帑祿山內亂六御蒙塵郭令公得之至德初馳進靈武石晉末德先掠而北至魏虎林中原兵振德先逃歸因棄此石慶曆時李其得之宋仁宗以帑金輸置官命薛師正藍守師正翻刻廣不貯庫中而真本命子紹彭竊負歸紹彭得之刻損天沅帶石四字暗記其真偽大觀時蔡京頗覺之矯詔索取紹彭子嗣昌不能隱進於宣和殿汴梁失宗汝霖為留守得之越明年臣進行在康王置諸座右以榻本待有功者全也東陽一白公何士英歷事五朝既南還圖書藥爐外無長物也天子每稱公為天下清官第一當轉運時於石塔寺中得此石時公臣至京師章皇帝詔賜携歸噫此石自唐迄今有餘載今

徐維則自都門輯錄




為都運公所得豈公上宣主德下達民情而清風高節鑿天心故  
 以此石報公耶若夫機勢之飛揚骨力之古勁名公鉅卿言之詳  
 矣奚俟余言矣俟余言賜進士二篇記何氏得蘭亭原石恭詳茲  
 第翰林院修撰山陰張元忭撰  
 取東陽縣志證之信而有徵蓋何氏士英明永樂間為兩淮運使  
 得之於揚州石塔寺井中携回東陽萬厯間邑令黃文炳就觀既  
 畢納諸輿何氏子孫遮道喧聚輿不獲前黃投諸地石裂為三士  
 英長子激號靜虛子孫分藏之按明人最重帖學此石以僻處東  
 陽得免豪奪世無蕭翼就能賺之阮氏修兩浙金石志竟未列入  
 知天壤壤寶湮沒者多豈獨蘭亭已哉高君欣木云何氏蘭亭以  
 後無一白堂三字拓本者為最佳今已不易覓矣

附郭君子銜所繪蘭亭原石圖

圖係戊午三月郭君回東陽縣向何氏仲房親觀原石時


所繪郭君亦有心人哉

石之正面



凡十八行永和九年  
起至以為陳迹猶正

石之反面



凡十二行隋事遷起至  
有歲斯文止

以上見清顧炎先夢碧簪石言卷六

徐維則自都門輯錄



魏氏稼孫續語堂碑錄

同治乙丑臘月廿八日自里門渡江

訪碑住會稽趙為叔家次日同觀禹陵窆石亭丙寅正月日<sup>三</sup>等

舟獨遊拓一紙次日遊妙相寺亦稱石佛寺在五雲門外五里地名塘下金拓南齋

石佛背字偽叔皆為題記此六七日訪碑之概與為叔泉傳節子何竟山兩君道古甚歡節子贈余

汪刻金蓮琳瑯刻太乙金石續錄魏高植墓誌淡拓本青浦王

氏舊藏宋元碑數通其意甚厚余從沈氏書肆得明刻隸釋又

黃龍元人日遊跳山土人呼跳山頭觀建初大吾摩崖旋以事

赴甬上得山左金石志兩浙金石志金石契高刻小蓬萊閣金

分其一石文字明拓整幅北魏巾比千文等碑中金石契兩部

贈節子余復獨遊跳山信宿徐姓家拓大吉摩崖成石為山陰

書券納糧屬徐姓守之摩崖拓尤難鄉中小兒多還訪迷菴

告余地有馬熊初謂調言後知往年果有野獸傷人

於陶家堰同詣橋叔既至郡城記失印匣一於航船急棹舟

孫氏世守之石起日借兩君渡江旋里時廿有二日矣嘗恨大

節子借拓者

江以南古刻淪毀而越中巋然存漢石二孫吳蕭齊各一足為

山川生色吾家距越甚近承平時忽不措意直至兵火後間闕

跋涉而得之人情賤易貴難大抵如是抑友朋金石之樂具有

因緣非其時不可強邪

漢樊毅修華嶽廟碑

余友徐君巨隱維則己丑舉人治金石目錄諸學撰有東西學書

石錄序云又吾郡杜氏越中金石記其書詳矣善矣然予二十年

前在郡城間徐以隱大令所儲郡中金石刻墨本其出杜氏外者

與杜氏所著幾相埒也大令有廣續之志而未之就予曩嘗通書

徐維則自都門輯錄



年樊毅修華嶽廟碑為世孤本羅氏亦蘊再續寰宇訪碑錄曾著錄之呂慈為吾越名族折節讀書樂交名士故其學樸實所集石墨盒碎錦若干冊片石吉先<sup>世</sup>多珍品手自標題極為精美等於范循園先生之吉先零拾曩曾贈煥先家藏漢唐殘石專甃拓片多種均綴跋語學力過人不苟如此惜行篋未携未由著錄為悵悵耳至所拓越中金石各墨本六百餘通於丙辰夏五月全數贈兩浙通志局編入金石志中是年秋訪碑於建德桐廬得元明碑刻凡百餘種焉

以上見清顧燠先<sup>煥</sup>夢籟石言卷六



宋隱真宮記跋節錄

朝議大夫直煥章閣新知婺州謝奕題蓋奕修字愈修臨海人丞相

深甫諸孫大理寺正采伯長子歷知安吉湖州府志謝奕修嘉熙三年七月以

朝奉郎知安吉州四年正月奉旨與祠婺州温州越州紹興府志云等州軍事

兩浙提舉茶鹽司見浙江通志寶慶會稽續志提舉題名云

謝奕修淳祐十一年以朝議大夫直華文閣閏十月初十日

到任十一月初四日丁父憂又安撫題名謝奕修以中奉大

夫太府卿除秘書閣修撰寶祐五年八月四日到任六年七

月四日除右文殿修撰賜紫章服依舊任開慶元年八月一

日除集英殿修撰依所乞提舉隆興府玉隆萬壽宮仍賜金

帶許令服繫二十一日交割與屬待制文翁台州札記謝奕

七

修仕至寶謨閣直學士提舉神祐觀開國男食邑五百戶合

卷七

以上見清臨海黃瑞台州金石錄



武肅王鐵券

陸游放翁文集游案唐昭宗乾寧四年遣中使焦楚錚賜吳越武肅王鐵券以八月壬子至國是歲武肅始兼領鎮東節鉞出師大敗淮南兵十八營定婺蘇湖等州而鐵券適至蓋其國始盛時也及忠懿王入朝以其先王所藏玉冊鐵券置之祖廟不以自隨漳化元年杭州守臣以鐵券玉冊并詔誥等悉上之於朝時忠懿王已薨太宗皇帝復以冊券賜王之子安僖王惟濬安僖王薨券歸文僖公惟演文僖公薨券傳仲子霸州防禦使晦霸州侍仁宗皇帝燕閒帝問先世所賜鐵券欲見之霸州并三朝御書以進帝為親識御書之末復賜焉文僖之孫開府公景臻尚秦魯國大長公主游年十二三特嘗侍先太夫人得謁見大公主鐵券實藏卧内狀如笏瓦今七十餘年乃得見錄本於武肅諸孫桓家後十字

蓋文僖手書游家舊藏文僖書帖亦有押字皆與此同武勝軍節度使印則文僖尹洛時所領鄧州節鉞也

陶宗儀輟耕錄吾鄉錢叔琛汝乃武肅王之諸孫也其家在郡

城外東北隅亭臺沼泚聯絡映帶猶是先朝賜第與余相友善嘗

出示所藏鐵券形宛如瓦高八餘闊二八許券詞黃金商嵌一角

有斧痕蓋至元丙子瑞案當十三年即宋帝焜德佑二年天兵南下時其家人竊負

以逃而死於難券亦莫知其所在越再丙子漁者偶網得之乃在

黃巖州南地名澤庫深水內漁意寶物試斧擊之則鐵焉因棄諸

幽一邨學究與漁鄰頗聞賜券之說賈以鐵價然二人皆不悟其

字乃金也有報於叔琛之兄瑞案名世珪者用斛干穀易得青氈復還

誠為異事時余就錄券詞一通叔琛又取當日武肅謝表彙併錄

徐維則自都門輯錄



之案史唐僖宗乾符五年王仙芝餘黨曹師雄寇掠二州浙杭州  
募兵使石鏡都將董昌等將以討之臨安人錢鏐以驍勇事昌為  
兵馬使中和二年昌為杭州刺史昌謂鏐曰汝能取越州吾以杭  
授汝鏐攻克之昌遂徙越以鏐知杭州事三年昌為越州觀察使  
鏐為杭州刺史昭宗景福元年為威勝軍防禦使二年為鎮海節  
度使乾福二年昌僭號鏐遺書曰與其闔門作天子與九族百姓  
俱陷塗炭豈若開門作節度使終身富貴耶昌不聽鏐以狀聞削  
奪昌官爵委鏐討之三年昌伏誅鏐令吏民上表請兼領浙東朝  
廷不得已以為鎮海鎮東節度使改威勝曰鎮東天復二年進爵  
越王天祐元年更封吳王梁太祖開平九年以為吳越王乾化二  
年加尚父末帝貞明二年以為諸道兵馬元帥三年以為天下兵  
馬元帥龍德三年以為吳越王鏐始建國儀衛名稱多如天子之  
制惟不改元置百官有丞相侍郎客省等使唐明宗天成四年削  
鏐官爵初鏐嘗遺安重誨書辭禮甚倨及朝廷遣奉使焉始遇韓  
致使鏐還致奏始遇見鏐稱臣拜舞重誨奏賜始遇死鏐以太師  
致仕自餘官爵皆削之長興二年鏐卒鏐寢疾出印綸授子元瓘  
曰子孫善事中國勿以易姓廢事大之禮卒年八十一史稱乾寧  
三年秋九月以鏐為鎮海鎮東節度使而券詞乃四年八月何耶  
史稱儀衛名稱多如天子之制惟不改元程大昌演繁露云竇正  
六年歲在辛卯見封落星石制書辛卯乃唐明宗長興二年竇大  
元年羅隱記新城縣記云癸未歲癸未乃唐莊宗同光元年以此  
知吳越雖稟中原正朔既長興同光年號與其竇正竇大同歲而



名不同知吳越自嘗改元審矣

陶澂鐵券詩序吳越武肅王錢鏐唐昭宗乾寧四年賜鐵券其事  
史載頗詳宋末兵亂券沒水凡五十六年為漁者所獲其十四世  
孫世珪始購得之時元至順二年推券之失當是景矣元年也明  
洪武二年上將封勳勞之臣遣使者訪其家尚德負券及五王像  
來詣闕下上特御朝與羣臣共觀命工倣其制不畫肖上乃還券  
禮遣東歸其後台州亂其二十五世孫珍負積匿山中乃免辛卯  
四月予遊台州與顧子赤方得共觀券字金色爛然因沒水久  
後多半剝蝕獨首行朔字為明高皇帝引佩刀剔去以觀刻畫之  
淺深者世守垂八百年失而後得豈非鬼物呵護之力哉  
齊召南鐵券攷謹案鐵券文三百三十三字其畫皆外狹中寬晶

光閃鑠詞語溫純忠懿王入朝詔賜藏之汴京昭化坊賜第神宗  
時駙馬都尉景臻尚主宗器厲焉券遂安於都尉之第靖康元年  
金人入寇詔公主子榮國公忱奉母出居於江南以券行因避地  
湖湘間紹興元年遷台高宗遂即台城崇和門內賜公主第由是  
券世藏於台之美德坊德佑二年丙子元兵南下破台時其家人  
竊負以逃莫知所在迨至順二年辛未漁者偶網得之宗子叔琛  
之兄世珪用十斛穀易得之明太祖洪武二年其十五世孫尚德  
元末官青田教諭寶竇藏之尚德者即世珪子也奉詔以進陛辭  
日命還券象劉基宋濂王禕等咸贈以詩永樂五年正月差行人  
曹閔馳驛至台十七世孫廣西參政汝性同行人奉券進呈覽畢  
以禮敦遣藏於宗子鳳墀家前後數百年中其間或顯或晦皆若



先靈式憑台郡邑志俱以是券為古蹟召南少時即嘗觀表忠譜  
略知始末今幸恭逢 聖駕南巡其裔孫嘉禾尚書陳羣率台族  
子選等進呈御製歌詩垂訓萬古是券遭遇夫豈鼎彝敦鹵徒以  
遠得名所得比竝也哉

錢大昕潛研堂金石文字跋尾券文後九行漫漶者大半今藏臨  
海縣白石邨氏錢文川家蓋武肅廿九世孫也自忠懿納土其孫  
暄知台州有惠政子孫因居於台世守此券宋元之際失而復得  
今距賜券幾及九百年文字如新遺苗猶什襲珍之斯亦異矣舊  
唐書昭宗紀乾寧四年九月癸酉朔制以鎮海軍節度使錢鏐為  
鎮海軍節度浙江東西道觀察處置等使杭州越州刺史上柱國  
吳王攷其特鏐實兼鎮海鎮東兩鎮而紀祇書鎮海軍所領者潤  
州剡刺史而紀書杭州皆其脫誤

四

翁方綱跋唐昭宗賜吳越王錢鏐鐵券計三百三十二字畫全  
者一百四十七第十四行社稷自起一行書之第十九行未足願  
功諸書皆作顯功此字尚宜審也

洪頤煊台州札記云諦視券文此字稍泐左旁作厄甚明當是

頤字瑞案同治壬申歲學使徐公按台其後人奉券來城予得借觀細玩左旁作公不作厄則洪說亦可商也

是券之賜以旌破董昌功昌既敗昭宗以宰相王溥鎮越州溥請  
授鏐乃改威勝軍為鎮東軍拜鏐鎮海鎮東軍節度使加檢校太  
尉中書令券文所以首系新銜也鏐景福二年拜潤州刺史故云  
潤越等州十國春秋輟耕錄諸書作閩越者誤也陶宗儀又謂鏐  
拜鎮海鎮東節度使在乾寧三年九月而以券詞四年八月為疑  
然鏐拜爵後至次年始賜券自是兩事無足疑者鏐之稱天寶元



年在唐天祐五年

瑞案當梁開平二年

戊辰而輟耕錄亦未之詳攷也

黃瑞案吳越備史唐乾寧四年八月遣中使焦楚鎰齎鐵券至赤城志職官表是年錢鏐陷州是賜券日即陷州日也杜雄墓誌云次女許嫁錢氏即今兩浙中令彭城郡王愛子是武肅與雄為姞戚雄卒於是年十一月武肅即以越州駱園為台州制置使則台州本為錢氏有矣攷輟耕錄及曹怡格古要論均稱券一角有斧痕今觀此券方正完善或為傳聞之誤所載券文潤越譌閩越江表譌海表於粵譌甌越成金譌於金經矣譌經焉金石萃編餘杭譌錢塘康熙臨海志開府上脫兼兩浙鹽鐵制置發運等使十一字今悉依原券是正

以上見清臨海黃瑞台州金石錄卷一

五

宋天台般若新寺軌塔記

在天台縣護國寺

按越都圖經□古碑云 梁朝岳陽王者是始朝太子第三子即梁蕭譽是第二生梁王是也於赤城山頂造軌塔三所中有如來舍利四十九顆其塔至唐會昌五年乙丑歲七月勅廢至咸通六年乙酉歲僧宗立并居士倪求徐師約與眾信士同修一所至八年丁亥歲七月功畢霜星綿遠其塔軌石墮墮爰至顯德七年庚申載般若寺沙門德韶重建造纜啟舊軌石感雷電風雨驚眾現如來身光項佩毫光 中又現阿育王寶塔 中亦放五色祥光遂口獲舍利四十九粒迎歸紫凝山香花口饒并眾僧各燃頂臂種種供養遂累軌石僧俗雲萃逾一祀圓就再安口舍利二十八顆前後可三十餘瑞現光與前無異留舍利二十一顆散安東都



府內并應天寺軌塔中吳武丘寺軌塔國清寺軌塔東場中興寺  
軌塔各一顆當寺二塔盡是□□捨□□□金親造各安舍利三  
顆上贊皇王帝業□□□□樂康云耳 辛酉歲大口建隆二  
年十一月十日

兩浙金石志按許詢蕭愔事見唐人詩詠者有丘丹詩車騎歸  
蕭愔雲林識許生綦毋潛詩雁塔酬前願王身更得來之句宋  
沈仁衷撰感應塔記許詢捨第宅兩區建迦藍二所其一則營  
于鏡水號曰祇洹其一則立彼蕭山目之崇化是並在蕭山嘉  
泰會稽志亦然此記引舊圖經應在北宋已前不知何籍抑造  
塔者多援此事以誇靈異耶德韶寧州龍泉人陳氏子年十五  
出家參白眼禪師白眼曰汝向後當為國師致祖道先大遊天

六

台觀智者遺蹤有若舊居復與同姓特謂智者後身錢忠懿王  
延請問道仲弟子之禮求智者教于新羅國開寶四年華頂峰  
摧星殞于上集眾跏趺而逝 卷二

宋洞天巖沈紳題名 在仙居縣洞天巖摩崖

嘉祐歲除戊申袍

官員外龍沈紳公

儀遊洞天巖

兩浙金石志系紹郡志有宋贈少師謚文肅沈紳墓在會稽雲  
門山引沈氏家譜云紳字公垂宋寶元三年進士此題則字公  
儀公垂唐李紳字也又紹興府學進士題名碑寶元三年呂溱  
榜載之 卷三



呂超墓誌銘

石高一尺五寸五分廣二尺五分存十五行行二十字正書

□□□墓誌□

□故龍驤將軍隋郡王國中軍呂府君諱超□□□

□東平人也胄興自姜奄有營業飛芳□□□□

□□□□□因官即邦今居會稽山陰□□□□

□□□□□起令譽早宣故孝弟出□□□□

□□□□□風猷日新而循討有□□□□

□□□□□歲在己巳夏五月廿五□□□□

□□□□□一年冬十一月丙寅□□□□

□□□□□同紼中軍將軍劉□□□□□

□□□□□金石□誌風烈者云

□□□□□藹藹清猷白雲□岫素□□□□

□□□□□嘉□如□應我□□□□□

□□□□□其)區眷言□□□□□

□□□□□蕙□□□□□□□□

□□□□□夕梢松□□□□□

後泐



呂超墓志石於民國六年出山陰蘭上鄉余從陳君古遺得打本一枚以漫患難讀久置篋中明年徐以孫先生至京師又與一本因得校寫其文僅存百十餘字國號年號俱泐無可馮證唯據郡名及歲名攷之疑是南齊永明中刻也按隨國晉武帝分義陽立宋齊為郡隋為縣此云隋郡當在隋前南朝諸王分封於隨者惟宋齊有之此云隋郡王國則又當在梁陳以前通鑑目錄宋文帝元嘉六年齊武帝永明七年並太歲在己巳宋書文帝紀元嘉二十六年冬十月廣陵王誕改封隨郡王又順帝紀昇明二年十二月改封南陽王翽為隨郡王改隨陽郡其時皆在己巳後南齊書武帝紀建元四年六月進封枝江公子隆為隨郡王子隆本傳云永明三年

為輔國將軍南琅邪彭城二郡太守明年遷江州刺史未拜唐寓之賊平遷為持節督會稽東陽新安臨海永嘉五郡東中郎將會稽太守祥瑞志云永明五年山陰孔廣家園榿樹十二層會稽太守隨王子隆獻之與傳合子隆嘗守會稽則其封國之中軍因官而居山陰正事理所有故此己巳者當為永明七年五月廿五為卒日□一年者十一年通鑑目錄永明十一年十戊寅十二丁丑朔則十一月為戊午朔丙寅為九日其葬日也和帝為皇子時亦封隨郡王於時不合唐開元十八年己巳二十一年十一月丙寅朔與志中之□一年冬十一月丙寅頗近然官號郡名無不格迕若為遷定則年代相去又過遠追亦非矣永明中為中軍將軍見於紀傳者南郡王長懋王敬則陰智伯廬陵王子卿此云劉□泐其名無可攷口誌風烈者云以下無字次為銘辭有字可見者四行

徐維則自都門輯錄



其後餘石尚小半六朝志例銘大抵不溢於志或當記妻息名字今亦俱泐志書隨為隋羅泌云隨文帝惡隨从是改之王伯厚亦譏帝不學後之學者或以為初無定制或以為音同可通用至徵委蛇委隨作證今此石遠在前已如此作知非隨文所改隸釋張平子碑頌有在殊詠隋于壁稱和語隋字收在劉球隸韻正無是則晉世已然作隨作隋作隋止是省筆而已東平本兗州所領郡宋末沒於魏南齊書州郡志言永明七年因光祿大夫呂安國啟立於北兗州啟有云臣賤族桑梓願立此邦則安國與超蓋同族矣與石同出壠中者尚有瓦罍銅甕各一枚竟有銘云鄭氏作鏡幽涑三商幽明鏡十一字篆書俱為誰何毀失埤識於此使後有攷焉戊午四月周樹人撰



跋王文聚隸書蘭亭帖

黃山谷曰世人但學蘭亭面欲換凡骨無金丹蓋譏世之臨摹禊帖皆僅得面龐而未得其精髓也余友王文聚為右軍四十二代孫楷法既精復長漢隸乃以蔡中郎石經筆法為蘭亭用一生面銀鈎鐵勒古勁無比若論其秀穎之氣則仍是黃庭經筆陣圖所奪舍投胎者也譬之祖父相貌其子孫肥癡羸瘦或有不同而至審其骨格規模未有不相肖者也昔人云公侯之家必復其祖則文聚另具肉身猶思剔骨還父

以上見瑯嬛文集卷五第十頁



止軒金石墨本自序

夫吉金樂石文字可泐其淵源燹而兵塵乾坤每靳其瓌寶是以三代彝鼎潛鎔村冶之中兩京瓦當多碎農鋤之下滄桑迭變珍祕益希然而開山濬川神物時現穴城穿窟瑰奇日呈或百一之留遺<sup>貽</sup>輒萬千以論直知而不好好而無力其揆一也亦有匹夫懷璧每傷暗投勢家行賕致玷雅品往：私為己有祕不示人而人事不常藏器隨散吁可惜已夫惟鑒古既精尚友如渴聞見所及借資氈氍胚胎偶脫倖功畫圖上存前徽下餉來學若宋之歐洪明之都趙誠金薤之教主石墨之功臣也夫噉名癖古儒者譏為吟癡逐物意移達人笑其凝滯兼之作贗不過未老好龍半似葉公負題死軒徒滋訕笑鬼名骨董恒受柳榆然而雙瞳電爛襦袂

焉 八体星羅時代斯辨矧乎嘗鑿知味還續留珠心摹手追駐烟雲於片楮魂句神攝勝剗剗之良工得魚可忘乎筌食雞但取其蹶三復副墨五美咸臻窮其指隸可臚拳焉夫九經傳寫舛誤滋承六書旁參攷鏡斯具試觀戴記祭統猶引孔悝之銘栗氏考工亦徵嘉量之制推之讒鼎偁於叔向考父述自孟僖自昔且然于今尤盛是日證經其善一也至如乾私真蹟備詳一代之名上林瓦頭可補百官之表其他歲月之潤朔律歷之干支氏族之異同輿地之沿革皆足以訂謬刊謬按遺補亡借什一之殘文辭二三之往策是日訂史其善二也至如豕渡河而譌三現卜氏之好學馬与尾而為五識石建之多才點畫少差文詞迥異以至摹漢石經之字亦同于玩秦斤權之文豈可通也李唐碑版詔詞則



曰粵可通兩元石經洪範則頗波竟改非特文章爾雅取悟無方  
抑且體勢瓌奇源流可辨是曰正名其善三也若乃往古制器史  
冊未詳累朝法物顯蒙焉識構形未似懸想終虛茲則方圖象呈  
左右駢集掌故遙散列目擊道存款認篆蝌迺辨美陽之鼎彝模  
伏鹿堪箋禮器之圖響榻試仿夫宣和博物遂埒乎司空是曰博  
古其善四也且夫束髮讀書抗心希古生當晚近詎窺先正典型  
神游太初忽睹高曾矩矱古歡幸滌新賞何窮當夫茶半香初花  
前酒後乍展瑤冊時聞馥風古色古香宜風宜雅則又聚精神於  
千秋通警歎於一紙者矣是曰頤情其善五也佳香幼歷兵劫祖  
硯早焚長迫飢軀極書半佚挽徽一第陸湛五年大隱金門小樓  
石劖媿秉性之本僻占得朋以更希或片璧見投置之夾帙或一  
甌偶假脫其瓌文乃至冬忘手數暑常背汗夙好在樂此不疲  
積日繁年釐殘未離南船北轍畸零或遺嗟乎寒暑之運誠速於  
輾轡蒲柳之姿詎堅於金石百年將半一業未成而又酬酢致其  
古懽疾苦向其宿嗜結習未盡古魂待招及今因循深悲零落用  
是檢點蟬翼剔釐蟲灰器以類從文隨部異分門別戶都厥大凡  
零珠碎金不廢小品亦藉存吉光之片羽元豹之一斑而已明知  
當代儒流甄綜精博絜太倉以半粒敵云等量寶敝帚以千金頗  
自珍享或者世有好事癖均嗜痴付石印以流傳供藝苑之所賞  
固所願也玩物喪志知貽誚於宋賢博奕猶賢庶見諒於宣聖云  
京光緒十九年歲次癸巳紙月既望自序於宣南寓廬

錄王心軒太史文高末



青藤硯銘歌·霞西叔祖命作

硯出錢伯升家銘曰葉塘制古石有芒主人工者書與方箋百草摹二王中鐫端古二大字款書田水月

陳家有青藤我家有碌硯端溪所得亦偶然款識流傳人口徧天池老人古豪傑錚錚不愧人中鐵誰兩友者錢伯升書譜醫方互心折石交獲益非尋常興到為題墨數行中鐫二字曰端古想見古人端友銘意鄭重非疏狂硯形肅穆銘質直是硯是銘兩奇特攷古曾垂蕉葉名臨池好試松煙墨主人愛此逾瓌寶留侍文窗供宿藻猶記當年拂拭餘日摹二王箋百草我家叔祖有古癖搜奇得此心彌惜蘸筆時磨墨一升草元准寫書千冊我來把玩仰先型轉為天池重伯升區區一硯微物耳那知古人里居姓氏文章交誼賴此三寸銘君不見石軍墨池今已非陶泓應作塵土飛放翁五銖傳人口至今又落伊誰手伯升此硯獨依然霧積塵封數百年不知磨盡幾歲月本質猶比堅銅堅物以人傳洵非偶硯得斯銘硯不朽豈惟此硯稱不朽敢進一卮為公壽祝公與硯名長久

以上見常自耕齋詩稿卷一之第三頁



祁忠惠公雙印歌霞西叔祖命作

吁嗟精忠不可作金石之光久蝕剝百年故物誰留遺摩挲姓氏  
神為愕會稽典錄溯烏衣澹生祁氏名昭倬四佳物望皆絕倫公  
也立節尤蹇諤時丁末造矢捐糜止水疊山同此酷堂傾四負名  
園蕪黨禍橫罹家世落從茲法物成雲煙此印亦遭俗手攫流傳  
遷徙凡幾世桑梓能歸天所託延津會合自有時印得吾家忘寂  
寞在公豈屑藉此傳後人藉此貲揚權所嗟十世宥忠良祖德猶  
應述潘岳河山既并喬木摧文采風流自寥廓此印何能返故廬  
華表千年徒化鶴幸哉代藏猶留及我家祖行古人若平生闡幽  
若飢渴公之斯文猶庀閣予家舊得忠惠公手書  
捨書叔祖迄今珍藏之何況忠義懸姓  
名神物耿耿精氣鑠寶之不但供賞鑑正使我曹志公學中宵星

斗光熊熊疑有鬼神暗中索

以上見常自耕齋詩稿卷三第一頁



二金螭齋尺牘言金石學

二金螭齋尺牘係寧波嚴筱舫先生彙集山陰趙益甫先生致魏  
稼孫函札數十通付諸石印今坊間已少售本掃葉山房有之內有言金

石者十餘則特錄之以資參考

金石萃編刊誤弟從前曾有十餘紙稿本然作之匪易必得全有

王氏所錄之本乃可王氏全份記得戊午年已為沈兩溥書肆得

之此時杭州雖復恐亦刮灰耳

劉熊碑世間無拓本僅天一閣本

此最古多上列十五行齊汪容梅麓雙鈎一紙為初得

甫先生藏本已俊堂本皆無可問者均初忽買到一紙真奇寶也

明人剪標

本價尚不昂卅金因為重鈎天一閣多字本別存一冊盡半月功攷證訛

闕雪中手本強不知冷近已裝池矣

漢石經竟為均初買到

金二

價可謂大矣拓本實佳此本後跋覃

谿共寫七葉然可厭特甚此公學淺膽大可惡

先寄上善業沈拓本奉贈亦不可多得品也高柳邨造象係孤本

唐隆元年心經亦難得並寄上

唐祁瑛瓦造象為

弟所得近因窮極賣與蔣廉訪

徵蒲

得二十千

王祥造象過江北時為人易去石并問

莫偲老既欲刻梁碑攷則安成康王一碑之舊云無一字者或尚

留數字

忘其書名

何不商之偲老洗石而重審之今早訪朱疊青大令

見壁上有靈崇二大字精拓本四面字跡尚存左一行第三字為

梁當是漑字似是人名惜不得大紙全幅拓本又不能一至南明

山下又不能請兄往觀殊悵悵也



臘盡得小錢李銅佛象三尊咸通間陽文造專亦得雖快意而囊

中空無有矣樂安公主秦江王成三像為茲甫得武容觀音像

建德元年高容女殘像係為子重得統計彼所藏佳者殆盡今年又出

一皇甫和無年馬方為周雲牧得所不得者獨一程顯忠元象二年此係

精又一年武平一開皇為遂生得

才遵墓志亦有陰訪碑錄列之內金石萃編不可得者七年亦為

我所有陰刻字極完善拓本亦好惜不得一志紙文舊拓配之也

劉燕庭方伯家新賣出拓本數網惜乎知之已晚刻為兌購得數

十種內依止大師殘碑一出高麗係均老塾價寄來鶴銘尹碑尚

未售者也目錄歸均老書之內北魏數種皆未見過前蜀神蜀

道志志弟早錄入曾見精拓名是忠非惠定為僖伯書乃精鑿也

按鄭道忠誌歲鄴君未農家鄴君有跋一篇攷訂極精附錄於後

魏書鄭義傳義昆季中第六長白麟次小白次洞林次叔夜次連

山次義叔夜子伯夏司徒諮議東萊太守卒贈冠軍將軍太常少

卿青州刺史子忠字周子右軍將軍鎮遠將軍卒贈平東將軍徐

州刺史此志道忠為魏將作大匠渾十世孫與義傳渾八世孫怡

行考以德禮鑄氏愛留海曲蓋伯夏常為東萊太守卒贈青州刺

史故云傳內名忠字周子鎮遠將軍右軍將軍當以志載歷官鎮

遠將軍後軍將軍為准卒贈官志內失載道忠傳僅曰忠此等錯

誤舊史習見無足怪也北史伯夏附義傳道忠滿列趙撫叔致魏

掾生書曾以此志為鄭道昭僖伯書按道昭卒於熙平元年道忠

正元三年十月始卒中間隔熙平二年神龜元二年正元二年

忠晚卒五年誤為道昭書不知何據偽叔鑒定金石多不詳考往

往如是此志書極雅馴文亦典則魏齊北方碑碣用筆方板別裁

偽體連篇累牘若此志體格嚴峻踵法鍾王中原志石實難多觀唐

初虞褚是其嗣響不意江右左風流見諸今日也

甲辰冬月筆至梁園購存紹興鄞嘉穀不農甫識

以上見清顧炎先夢籒石言卷一

徐維則自都門輯錄



長安獲古編乃劉燕庭方伯所撰一金一石皆有識跋金甫刻圖  
而方伯歿故僅存此其原稿本四冊潘伯寅侍郎借來失於澄懷  
園侍郎云石亦無甚奇品只此書板為寶文齋徐姓所得

唐石經文千慮之失經勘正望便示我其石數及字數都計字數  
銜名奏狀一一錄出甚好蓋嚴氏以校經為主故不及其細事尊  
著以攷石為主自當不遺纖悉不可以議嚴可以補嚴撰就大幸  
事石柱題名能補正最妙然審定石刻并須參攷正史及通鑑諸  
書為之梁龍年道德嚴經誤處望示我

義國夫人志弟已裱成立軸既摹刻則可以連拓本奉贈爨寶子  
都中有木刻本勿多買

至德專仍歸弟處不知節子何以有之奇矣然此磚細審仍是唐  
而非陳凡以為何如

天祿辟邪得之甚妙漢世石獸何必獨有於宗資墓耶都中新交  
王蓮生山東福山人大訪碑刻弟出京時渠方遣人至海畔覓楊  
舉時祠不知得否

范稚禾齋尹家藏翁覃谿詩文手稿卅餘本弟略借數本來看過  
惜乎匆匆未能摘出其中塗乙太密不甚易尋惟於所見金石多  
錄全文畫卷必寫出竹樹人馬屋宇位置及圖記跋尾位置乃古  
人精到處覃谿所學非弟類故不相入而亦不厭之以其功力亦  
不與人易及也

何子貞來杭州見數次老輩風流事事皆道地真不可及弟不與  
之論書故彼此極相得若一談此事必爭致大而後已甚無趣矣



金石

晉福祈禪院碑

天福四年

上虞小越嘉福寺

道上虞西北四十里福祈峯下舊傳吳赤烏間僧純一師化其族李之所居為伽藍號祈福院訖今鄉人尊稱一法華開山祖是有晉天福二年丁酉行淳師主茲山弟子無相自孫出也兄鎰鎰以武職顯院樞福仄倚山皆孫氏業相言于兄樂助形勝凡山之為畝者三十又六地之為畝者四東距院田南艘院止上極其峭而高者維西下臨其坳而深者則北披秦肆莽初大阿羅漢殿猶神翰鬼運咸悅乎成之速復言于兄請諸

朝四年己亥賜額福祈禪院順山名也嗚呼二師相去寥洞肇基拓業若合符節世之稱士君子者或羣聚而訾淳屠之說厥子肯

女與弟心未肯福

堂肯播視相之舉為何如純一師其有傳矣行淳師其有後矣繼承為國祝釐永永無疆而利益之及于檀施者其又有不可量議者矣猗歟休哉余屬興行淳師游俾識初末垂示將來不得為是年臘月望日外友鎮海節度判官吳興張孝先撰并書

任山行淳刻石

四明王仁鏤

吳越崇化寺西塔基記

唐下元戊午

蕭山祇園寺

右祇園寺西塔基記寺在蕭山縣治西建于晉為崇化宋改今名有東西二塔乾隆四十一年邑大水西塔圯為廢執中得是記及舍利銅塔一銅塔署顯德五年戊午十一月夏承厚鑄舍利塔兩所其是刻前後四月耳顯德為周世宗紀元吳越嚮奉中國正朔顯德二年嘗入



貢于周是年不應稱唐當以銅塔為合兩記益云結塔之所則東塔內  
亦有舍利塔及塔基記可知越中金石記載是刻藏山陰小雲栖寺與  
寇後三十年久訪無獲今歲祇園寺僧普勤修寺其二塔竟予屬重  
訪此記未旬日得于湯氏廢園去寺不數里雜廁瓦礫間斷為三而無  
缺不知何時復移至此若有搗呵驅遣而出之者豈非佛力之廣大而  
物之顯晦亦有時耶爰與舍利同供浮圖上級永鎮山門茲志獲石  
顛末先緒唐寅十月會稽陶濬宣記

仁和魏稼孫

錫曾

績語堂碑錄書三老碑後

同治乙丑臘月二十八日自里門渡江訪碑任會稽趙搗叔家次日因觀禹  
陵窆石丙寅正月二日挈舟獨游拓一帛次日游妙香寺(亦稱石佛寺  
在五雲門外五里地名塘下金)拓南齊石佛背字搗叔皆為題記此

金石錄卷之六十四

六七日中訪碑之暇與搗叔洎傅節子何竟山兩君道古甚歡節子贈  
予汪刻金薤琳琅刻太乙金石錄魏高植墓誌淡拓本青浦王氏  
舊藏宋元碑數道其意甚厚予從沈氏書肆得明刻隸釋又黃  
龍元年執一人日游姚山(土人呼姚山頭向姚山則不解)觀建初大書摩  
崖旋以事赴甬上得山左金石志兩浙金石志金石契高刻小蓬萊閣  
金石文字明拓整幅北魏帛比干文等碑中金石契兩部分其一贈節  
子)十一日歸次餘姚于羅戟門家晤汪述庵十三日侵晨偕兩君買舟出  
郭午抵客星山(俗呼陳山)介戟門訪周清泉先標世熊主人問其為漢  
碑來也甚喜導入別室拾級而登有竹石之勝則三老碑在焉即設  
賓榻其中大雨戟門去予忽痔發述庵感寒疾尤憊徑擁被卧見  
予席地據石力疾旣推敬裘廬室間出語相慰勞清泉亦時微履



携童饋藥食至十五日拓碑竟(予自存整幅一需楮二又為清泉述庵各榻一床)乞清泉手題清泉因出舊跋屬更定數十字語碑所自得及遭亂無恙眉采矜軒舞也十七日述庵病愈偕弟清泉(清泉藏漢晉磚甚夥以永元十二年刻磚見貽予贈即子又見宋元嘉碑鏡數片文淺質脆竟不能拓)予復獨游跳山信宿徐姓家拓大吉摩崖成(石為山陰杜氏買真書券納糧屬徐姓守之摩崖施拓尤難鄉中小兒多告予地有馮熊初謂調言後知往年果有野獸傷人)遂訪述庵于陶家堰同詣搗叔(既至郡城失印匣一于航船急棹小舟至東關取之中有鄧石如刻二印乃郡中孫氏世守之石印子借拓者)越日偕兩君渡江旋晝時二十有二日矣嘗以大江以南古刻論跋而越中歸然存漢石二孫

紹興縣志卷之九 雜考

吳蕭齋石各一足為山川生色吾家距越甚近方承平時忽不措意直至兵火後間闕跋跡而得之人情賤易貴難去拓如是抑友以金石之樂具有因緣非其時不可強耶三老碑推鑿而成鋒從中下不勻似他碑雙刀故每作一畫石膚坼裂如松字非細處原石不能定為某處字畫某處泐痕即佳多精拓非用小墨團加扑數回其凹之筆亦不顯方出土時周君命工拓百十帛但存形模自余拓後轉語碑工張文蔚渠如法為之近拓乃朗晰勝前矣(小父小字謂君謂字次子孟二字君期二字力射二字嚴及焦嚴焦字不可識之仕字其命字及額間之形刻下橫畫錐歷之可辨諸家多有誤釋由未見原石也 碑中義字及字右波但但刻外匡中不去其太室石闕前銘同前人稱為雙鉤實則刻工



取省筆耳。余輯金石萃編遺碑既以諸刻入錄。近從俞蔭甫文假觀春在堂隨筆中及此碑。索觀手拓黏後。頃憶當日情事。如昨。因牽連記之。當訪碑游記一則。時庚午歲二月十七日也。

漢黃龍專

黃龍元年八月上虞王元方作

造專上虞王元方山陰徵士沈復繁所感劫後留此易餼糧令歸魏子登文房廿年前事能思量我詔但志交情長愧尔不輕去其鄉同治丙寅搗叔作

按黃龍紀元者漢宣帝與吳大帝兩朝宣帝建元七其末

為黃龍止一年歲在壬申陸竺齋比部舊藏黃龍三年專

字體雄壯以此迴殊比西漢文字適古所由勝於孫吳也王

日記

右西漢黃龍專之上虞王元方作殆同出一范者本山陰沈

霞西老人感器其一專斷文完劫後仁和魏稼孫乞趙

搗叔先生作詔其一專完而黃字已損為何竟山太守所

得或以專側五銖泉連珠等攷與天璽天紀諸專相類終

為孫吳時物然以字體論其為西京古甌無怪太守仰嗣

豫才孝廉持田示拓本爰命大兄袒赤撫真馬端王繼香記

東漢建寧買山荊

建寧元年正月山陰番延壽墓荊兄弟九人從山公買山一丘於

五風里葬父馬衛將直錢六十万即日交畢

建寧元年正月合荊大吉左有私者當律令



錢竹汀宮詹云古者書契多以竹簡故傳別字或從竹作別隸  
變作蒯與移蒔之蒯相混此蒯朗然作別猶存古意王繼香記  
五風里見嘉泰志即今山陰北鄉安倉鎮安倉今作安昌其  
地尚有馬衛柙可證繼香記

建寧墓專

建寧元年八月

北鄉五風里番迹

建寧元年八月十日造作

馬衛將作

大吉亡多所宜

大富下

續興縣志採訪錄

此專兩側有文以別文推之番迹下當有壽墓等文惜已殘  
矣其正面作麻布紋魯卓突得之作硯以贈何竟山太守  
並題七言律于背注釋頗詳且云北鄉安昌鎮潘氏本望  
族此式其祖塋特以年遠宗牒失攷耳 繼香記

右建寧潘延壽墓蒯

北鄉五風里墓專各一拓乃魯文卓

突所貽其後墓專四則安昌馮子鹿伯所拓示抑先緒甲  
申同時出蕭山縣東杭塢山古壙中建寧為東漢靈帝首  
祚太歲戊申歷今甲申出土實一千七百一十七年當時僅見  
後四專僉於馬衛為人將作為衣冑見墓蒯與五風里一  
磚如知為潘延壽墓而馬衛將殆其官名歟然漢史無徵惟  
五風里見嘉興志可證耳曩予安明州陶湘一學使首以



新出漢碑詩郵示及 里門沈雲鵬黃卿兩廣文潘椒石布衫  
先後以馬衡將作專見贈近歲伯甘京師鹿伯躬致博拓  
如笋束其手自琢研勃詔者蓋不下二十餘博而荆其五風  
里一專固未嘗有目也益惜卓叟博蒐精鑒為不可及矣茲  
彙集拓本于此并志諸君子專家之直惜之沈其陶潘兩君墓  
久宿草不獲相共賞眺為可嘆也止教

燔越窑甃杭山出重窰文斑爛炎鈎迄今 遷爨吐尔才土  
猶屬漢瑤仙觀察永用丁亥八月王繼香詔

余為友人詔建寧博者先後不下八九方皆忘之矣頃猶子  
祖烈檢呈予季繼業子鑲所拓本蓋丁亥秋中為卓叟  
勃詔者附存於此以見一斑繼香

繼業孫志和訪稿

隋大業令就專

大業六年庚午

大業六年五月造金龍專百四出

餘暨令趙沾敬

造天尊像一龕

咸与維

千灾自散合邑

永樂久長供養

此專為山陰魯卓叟觀察

變光

家珍已手琢為研余嘗借得

留案頭數月榻取數本以詒同志按餘暨即今蕭山縣趙沾  
名足補邑志職官表之闕卓叟祖贊蕭山可云林弓林楚得矣  
繼香

吳永安胡碑



永安四年

宋淳熙癸卯陸放翁家鑿渠得專文曰永安五年七月四日造見嘉泰志蓋後此一年也南宋距今七百三四十載當時何獲古甌箸之志 已珍重若此況今日乎也教

光緒己卯嘉年余與六弟子詒雪中登卧龍山徑龐公池積垣中得此斷專按永安紀元者五怪吳景帝至七年

景帝以戊寅十月改元四年 歲在餘則僅一二年其為三國時物無於旋說鄧安留專于

斜橋老屋焦厓樓下庚辰二月回里將製為研而向子詒以讓以疾請代自投月湖死遂擲專而東泊辛巳亦如携之

四明壬午八月方謀磨琢汝丁終堂三戚未幾扶服回里貪肆中又失之至今惋恨頃从胡詒中拾得打本猶是子詒曩時

在且集三本方焉

自拓者人與俱亡對之法然繼香

晉太康買地蒞

大男楊紹從土公買冢地一丘東

極闕澤西極黃滕南極山背

北極於湖直錢四百萬即日交畢

日月為證四時為任

太康五年九月廿九日對共破蒞氏

有私約如津令

舊成太康瓦蒞拓本忘其末處證之金石契撫本肥

瘦胎合惜紙質徽腐觸印便碎爰詒大兄祖杰小兒

祖榮影鈎廓填一本點虫波磔豪釐不差視金石契



有過之無不及也

右大康瓦剎萬歷初舍稽倪先岡菊地內掘得之柳元穀  
購之以易徐天地虫後幅少珍童二楸家今不知尚在人  
間否詳見徐文長集葉氏金石記茲不復贅建德香記

唐開元堪專

口因受福叶存長壽  
長幼無吳大界蒼生  
色相星開當願見在  
稽山永安寺雕龕已就  
造年凡仙一龕於越  
祇公司參軍李堂敬

紹興縣志採訪稿

貳月吉日節度使判官

開元十二年甲子閏拾

此唐參軍李堂所造永安寺佛堪專也亦卓突所藏  
堂字搨其文示余及何豫才孝廉按嘉泰志舍稽有  
永福寺而不及永安寺其列銜徵之史志亦皆不合又  
按府志賸宦唐時郡佐李氏最盛而獨無參軍李  
堂書缺有間可鑿道教王德香

齊永明石佛北月銘

齊永明六年太歲  
戊辰於吳郡敬造  
維衛尊佛



嘉泰志云石佛妙相寺唐太和九年建號南崇古會昌廢  
晉天福中僧行欽於廢寺前水中得石佛遂重建焉石佛高  
二尺餘背銘十六字筆法亦工案會稽未嘗有吳郡此石佛死  
得之水中又一人可負之而趨者安知非吳郡所造而遷徙在  
會稽耶 王德香

杜氏金石記引三寶感通錄云晉建興元年松江漁者逆見  
二人浮游海上吳縣朱齊聞之潔齋迎之二人隨潮入浦漸  
近漸明乃知石象鼻還通元寺象高七尺背銘一名維衛  
一名迦葉授是則維衛象存在吳郡通元寺好事者  
因就其地模造迎歸供養耳會稽王德香題

晉王大令保母專志

郎耶王獻之保母姓李名意如廣漢人也存母家志行高  
秀灼王氏柔順恭勲善屬文能草書解釋老旨趣年七  
十興寧三年歲在乙丑二月六日無疾而終中冬既望葬會稽  
山陰之黃岡岡下殉以曲水小硯植雙松于墓上立貞志而志之  
悲夫後八百餘載知獻之保母宮于茲土者尚口口焉

刻高一尺三寸廣一尺二寸元蹟十行行十二字

保母專志如未詳載金石粹論及越中金石記其宋元以來  
名人題跋則鮑氏知不足齋附刻叢書中四朝聞見錄後專  
宋嘉泰壬戌六月出山陰黃岡古壙中距大令晉興寧乙丑書  
碑時實八百二十八年時大令年才二十二而能前知如此有類  
漢滕公石室三千年後曹娥碑五百年後之語宜姜白石同



為玉寶連作十跋贊其有七美謂不特書法類蘭亭也惟專  
出木燭王千里篆未久即為韓侂胄所奪旋入秘府淪為灰  
燼故拓本傳世極鮮董文敏則以周公謹藏本善入戲鳴堂  
法帖雖增減行字以就帖式不免為大雅所譏然王氏稱其  
鈎勒精工直與真蹟無異今則不特真蹟絕世即戲鴻元  
拓亦罕見矣魯卓定舊藏戲鴻元拓十年前曾乞予跋瓦  
竚从其借印以公諸世不惟為越鈕之光亦大祀青箱之秘矣信  
香

黃岡地名嘉泰寶慶二志俱未載杜氏引宋王英孫詩有名  
重黃岡九里山之句謂九里距禹陵里許而黃岡無致余外王  
考俞夢樓贈公雲梁生墳於黃岡嶺予童時嘗躬履其

然其縣志採訪稿

地俗呼會稽山去謝墅山步約十五六里又皮山魯聖姑廟前  
有宋嘉祐二年界碑有曰口至會稽縣黃枋村可證也尔  
正閣謂之門枋因廟門亦巷門也朱竹垞老人題徐尚書原一  
所得保母志拓本曾詳著之會稽王德香

碑碣

漢建初摩崖大吉石刻

大吉

此二字在上方

按大吉碑在越中全在記也另有詳錄

昆第六人共買山地建初元年遷此取地直三萬錢

右刻在會稽縣之跳山隸書凡五行行四字上方有大吉二字以  
建初尺度之字大六寸五分及二寸五分不等為山陰杜氏所獲  
蓋當地買地券文也迨是造字省口取是冢字俗傳大吉二字



為錢武肅王微時販鹽遇官兵逃避題于石壁據此則說誤也  
晉太康荊一此已見山陰縣志

大男楊佑澁土工買冢地一丘東極闕澤西極黃騰南極山背北極  
于湖直錢四百萬即日交畢日月為証四時為任

太康五年九月廿九日對共破荊氏有私約如律令

右荊長五寸廣三寸分文六行文六十五行書狀如破竹以錐  
畫沙成文然後陶瓦為之金石錄補云萬曆初會稽倪光簡冢  
地內掘得太康冢中杯及瓦券柳元穀以是物易徐文長  
畫亦見徐文長詩集誤任作伍廿九日誤作廿五破荊誤作破翦  
荊說文無此字當為別即周禮小宰職傳別之別鄭注傳別  
故書作傳辨予謂辨與別聲之轉其義一也又曰傳別謂為

紹興縣志採訪稿

大字書于一札中字別之孔疏云謂為大字書于一札中字別之者  
謂于券背上大作一字書札字中央破之為二段別之據此則別  
若今人合同文字矣蓋當時別以行為之後世易之以瓦而其形  
似竹也故字從竹隸書从竹之字多從艸遂與種概移蔕之  
荊相混耳至乾隆年間為山陰童鈺所有世傳墨本皆鈺所  
拓也

漢三老碑

按三老碑于咸豐壬子社出餘姚客星山土中今藏縣人周氏家  
其碑九行凡二百七十字前五行分四層橫隔之第一隔云三老  
諱通字小疑庚午忌日祖母失諱字宗君癸未忌日第二  
隔云據諱忽字子儀建武十七年歲在辛丑四月五日辛卯



(案後漢書光武十七年二月乙亥晦據此推之則四月五日非辛  
卯如三月是大盡則此日當是庚戌十六日始值辛卯)忌日毋  
諱捐字口君建武廿八年歲在壬子五月五日甲戌忌日第四  
隔記其九子一女名字後三行從曰三老德美詰烈云云字多  
漫漶不可辨自來以建武紀元者晉元帝僅二年齊明帝僅  
五年後趙石虎至十四年然于越無涉(西荏慕容忠後魏元  
朗皆僅數月皆于越無涉更不必論)惟漢光武至二十二年  
其十七廿八兩年正值辛丑壬子其曰三老者漢時鄉各有三  
老見於前後書者不一曰掾者漢晉自公府至令長其曹  
佐皆曰掾此單言掾則非公卿州郡可知蓋縣掾也禮云內  
諱不出門西漢及六朝史家向書婦人之名然不悉出惟范  
氏後漢書則皇后紀皆書后諱其餘婦人亦多書名獻帝  
伏皇后記載廢后謂云皇后壽云云可知當時詔策皆書  
婦人之右故此碑于婦人皆書諱字其兩女亦有名是為  
東漢之制無疑其字法由篆入隸古拙可愛所記諸子有名  
提餘字曰伯志名特候字曰仲雁者亦可證當時民間固  
已多用二名據稱其母之忌曰在建武二十八年則此石當  
是中元永平間所立泚中石刻向以嘉慶間合稽跳山新出  
建初元年大吉買山題記為最古建初為漢帝年號成李  
特後秦姚萇西涼武昭王皆號建初皆于越無涉)此石蓋  
更其前其出土乃更後碑額已斷無由攷其姓氏其文字  
體制非表非誌疑是碑陰所題故稱之曰三老碑(漢無貴



賤碑碣之分為兩泚第一石耳

右錄會稽李慈銘越漫日記鈔

不據孫屬予審定餘姚周氏藏石漢三老碑文漢人最重避諱恐祖禰久遠子孫或不知而誤觸此碑當施于家廟之庭或堂非墓碑葬在比文有曰念高祖玉九子未遠所諱不列言事觸忌貴所出嚴及為敬曉末孫其副祖德烏文義明白碑載其父母忌日在建武十七廿八兩年而為第七子邯所立石計時相距不遠仿翁方綱年月表當附建武後矣

右錄仁諱廷獻復堂日記

三老碑原文

三老諱通字小疑庚午忌日

紹興縣志採訪稿

祖母失諱字宗君癸未忌日

掾諱忽字子儀建武十七年歲在辛丑四月五日辛卯忌日

母諱捐字詔君建武廿八年歲在壬子五月十日甲戌忌日

伯子玄日大孫

次子但日仲戡

次子紓日子淵

次子提餘日伯老

次子持戾日仲雁

次子益日少河

次子邯日子南

次子土日元士



次子富曰少元

子女曰元名

次女反君明

三老德業赫烈口口志口汁稽履仕相名子而右九孫日月影代  
猶元安力則明口所識阻諱欽臨孫嗣口口秋春言不及曹翼上  
也念高祖至九子未遠所諱不列言事觸忌貴所出嚴及焉敬  
曉末孫真副祖德焉

右錄三老碑全文碑分兩方右方又分四層第一層四行第二  
層六行第三層六行第四層五行右方列長行三全碑濶合  
工部營造尺一尺四寸高二尺八寸五分

紹興縣志採訪稿

晉咸和六年磚原文

咸和六年八月十日 乾公

案是磚長一尺一寸濶五寸厚一寸五分宣統二年四月間出土地  
在山陰所前鄉俞家埭山同時出土者尚有銅鏡一瓷瓦瓶二三  
足瓷盤一瓷盃三鏡藏蕭山陳俊華家瓷瓶等為蕭山  
李姓所得考咸和六年是歲為晉穆帝六年晉人葬于此  
山故鄉人造掘得此第究為晉人誰氏之墓一時不可考耳出  
土磚甚多分藏就近各家



蘇甘室日記

謁禹廟徘徊窆石亭下搜剔窆石四周麻沙辨認似杜春生先生  
越中金石錄所載日王石車 刀 葬 天文日真黃數字為  
確萃刀二字兩浙金石志定為乾象二字似亦不誤文字下存半  
日字金石萃編定為晦字亦尚可辨惟年字則無竟法摹擬矣然  
即此數字玩其筆法則酷似天璽紀功碑及國小碑進香爐峯南  
鎮每屆仲春婦女最夥游人逐之如蟻過禹廟必至窆石亭投石  
子窆石穿謂中者必得子男婦老幼嬉笑聚觀疊代試投不以為  
怪余謂亭四周函宜加石闌使游人不得至亭內則此數字尚可  
保全否則數十年後必至隻字莫辨矣

清宣統二年八月廿七日紹興公報



龍尾硯記

硯之得蓋在康熙三十五年曾大父適菴公館閩中洋縣時也所  
卒置硯牖上日夕研泥墨積垢寸許曾大父見而異之乃呼童取  
而刮磨焉洗時屑屑有声微見光彩剔除淨盡星文畢露字迹亦  
大顯著內有皇慶元年三教弟子贊詞一則頗不類臣士語考之  
元史始悉為元仁宗御贊三教託名也其文待詔祝京兆兩先生  
文筆圖記望而知為真迹又仿陋室銘調贊一篇則明彭年所著  
彭亦知名士附明史文待詔傳以是知硯在元明間一代之主曠  
世之才靡不寶重非凡質之可擬獨是四百年來時移代易歷遭  
兵燹閩中尤甚凡圖書典籍以及金石玩好之屬遭塵劫而無存  
者不知凡幾而硯顧泥塗其体韜晦自全得余曾大父而復顯鳴

紹興縣

方高

呼物之遇與

其間耶

仁憲之世經畧年公羹

堯甘梅石公文倬川撫蔡公挺後先聘大父遜菴公奏記幕中挾  
以自隨間遇識者指為宋時龍尾硯於是諸顯貴各出千金求為

上方貢而大父心傷遺澤弗予也傳至于今又閱四世六十年  
矣余生以後遭家多難自幼而壯迴憶歷祖之留傳為子孫計者  
消沉烏有而硯尚塊然獨存余懼祖澤之或即泯夷無以對先人  
於地下復挾而之粵之燕之秦流離失所轉徙無弗同之歲庚午  
余自熱河解館值從父石帆公以學士奉假旋余隨侍隸舟次維  
揚一燈相對與余論先世事遂及於硯乃走筆為長歌屬余書錦  
余因即叙其顛末并存之匣俾後之覽者知物所由來而述先人  
之固守勿遺與余數十年造次弗失之意將藏之彌固守之益堅



是則余所厚望也夫

附石帆李士龍尾硯歌用王漁洋朱海岳硯山歌韻

海內墨寶尚留幾一硯懷祖真良圖泥塗埋沒閱人代摩挲日  
夕增長吁上貢天廟重千鎰下委闌闌輕一銖龍身久藏有地  
有星彩朗曜無時無倚得古物竟入手底須列肆炫五都偶從  
沙磔一拂拭寶此何啻千璠璣憶昔叔祖館洋縣執經問難羅  
生徒牖上得之等球璧遐方觀者道夔巫平心遠邁劍南陸鳳  
味笑過眉山蘇濯以清泉囊以錦賁持曾弗離舟車受墨不數  
鸚鵡眼架筆合用珊瑚株自少愛護逾大壺手捧不藉孫曾扶  
洗出金星煜潭沼濯多龍尾游空虛隱隱若列七樞斗離離似  
綴千鮫珠老人忽驚騎箕尾石友幸勿沈泉瀆到今重孫能世  
守執硯往往懷眉鬢歐陽金石未書畫何分魏闕兼江湖詞彩  
因茲等鸞鷺春秋笑彼如螻蛄注經校史最耐久硯田那惜嘗  
辛劬什襲祕惜怕豪  
奪寒光萬丈騰菰蒲

周兆鳳作見後村周氏淵源錄卷七

紹興縣志

六不並回



秦丞相李斯鄒嶧山碑拓本歌 壬午

祖龍力爭取縣宇東踰滄海西臨洮登封鄒嶧騁雄俊千乘萬騎  
揚雲旆丞相臣斯臣去疾咸昧死上聞於朝古者王畿僅千里金  
沈玉檢煩鏤雕陛下神靈大一統拓地遠過妣請詠聖功示  
後嗣長與星日同光煦昭制下曰可舞且蹈豐碑百尺高岵峿鳴  
呼暴秦棄仁義咸陽父老方悲號宏謨偉烈果安在相臣獻諂君  
宣驕勦議已令封建廢愚民更取詩書燒助成主惡實斯罪科條  
頒示如牛毛斯不數年伏斧鑕秦亦再世斬宗祧可憐一心罔忌  
憚赫然天譴何由逃此碑藏垢向巖谷荒燐照影淒寒宵阿房一  
炬不能到風吹野火飛蓬蒿茲從何處得殘本字勢鬱律森蟠蛟  
阿誰嗜古重碑版破碎不憚補綴勞豈知摘詞述穢德何殊糞  
誰能點畫窮釐毫大書深刻計亦拙

入關一詔數言耳較若畫一興歌謠

以上見清長興朱紫貴楓江草堂詩集卷一



吳越錢鏐求以金印玉冊封吳越國王當時言者以為玉冊天子所用中國境內無有封國王者朝廷一時方多事曲從其請蓋有所不得已也今楚藩新封有興國王不知何人所擬竟爾用之豈未見前史吳越之事耶彼謂興國州名無妨於事楚中縣名可用者何限乃必須用此亦不知大體矣

以上見明荷水楊士聰撰玉堂薈記卷四

### 紹興石經

渡江纘緒神器膺高宗御書世所稱覽聽餘間屏翫好惟親翰墨裁溪藤曾書旅葵及大有置之座右思春冰嗣作損齋披經籍揮毫手錄斐几凭諸體並妙類非一點畫工整神端凝字形大小雜珠貝燦如瑤光連玉繩憲聖吳后書亦善就中數簡咸精能歲久卷帙恐闕失貞石鐫刻露鋒稜守之奕祺作秘寶用為規矩傳高



曾在昔周宣揚英武天戈麾指威飛騰哮闕虎臣淮夷定壯猶元  
老荆舒懲大會東都蒐車馬鑿石作鼓形碣磬員獵員游史摛述  
美哉功績歌中興憶自靖康失京汴應天總統符休徵諸將發憤  
圖恢復和議煽惑終無憑未暇摩崖振鴻筆實勤乙夜挑青燈臨  
安駐蹕延六葉航海欲作圖南鵬行宮禾黍悲故老冬青何處埋  
思陵楊璉真珈勢灸手浮圖高直豈摩雲層堆砌此石作基址麓砂  
磨治幸未曾後遭塲毀復散佚蘚苔剝蝕相因仍斷零收輯得太  
半未若夏禮亡祀節猶如古甃厄秦火壁中金奏聲吟噌諸儒補  
苴得完善學宮千載均師承我聞石甃始漢季熹平舊刻誠超恒  
中郎三體號精妙車馬填咽爭摹謄此甃出自紹興代遞閱顯晦  
沉而升漢刻迄茲

漱歸然此獨歲月增想有神物常丁美不

杏村出洛思峯新出漢建甯甃

文曰建甯元年八月十日造

杭鳴靈峰發古甃炎劉迢隔幾千年南天金石何曾陋東浙溪巖  
本足傳士鏞奇文徵馬衛

旁有馬衛將作四字余謂馬從京舊麻衛乃人名將作者督造之義

溯龍躔永元一鏡無由見寂々何人考墓田

塘中尚有古鐙鏡有文云永元二年依志

言此山有朱隽墓也

見湘廡閣遺集卷四



東國刻會稽刻石夾徐鼎臣臨本宋時石本滅失元申屠駟跋又  
為後人磨去予得六舟僧所藏云孤本矣東人得雙鉤本誤以為  
秦石流傳覆刻于海外夾中郎之虎賁矣闕敬字是失鉤非標失  
文字異同頗有足正史記者

見清仁和譚獻復堂類集日記卷八



陶孝邈編修同年以建甯軌拓本見寄云今年三月山陰人掘蘭  
于古墓得之尚有雁足鐙甕椀皆為人携去孝邈云以籍考之其  
地盖有朱雋墓云

見清仁和譚獻復堂類集日記卷六



可珍矧如膠之靳先後並致乎石墨有緣尺璧何足寶哉爰合裝一積而疏其會合之由如此

是冊舊附姜西溟太史臨本近得林吉人中翰遺墨因并列入兩公同時擅書名雖皆撫大令遺迹而其本各殊蓋一為柳跋本一則玉版本也

錄傅節子先生華延年室題跋

畫卷三  
廣而春華

明詩九首

嗜名人真蹟

好事將中寢余念

且其中楊氏父子題記鐵

函齋書跋大瓢偶筆

全流傳尤勘因留以錄副

擬補入書跋中另檢

事抵付冕齋祥伯本定半年之

期即寄質完璧以鍊乃去如黃鵠數載杳然已卯冬冕齋比鄰不

戒于火災及寓舍半生亦棄都被六丁收去此本以存余齋予僅免

是劫豈即春華跋語所謂有數存焉耶當余之以程易邇也祇謂

互藏外府耳心亦欲之未便效據舷故事不圖因此一轉移遂謂

華延年室物也今秋又藏得魏水村藏本曾經張氏清儀閣收藏

與此一濃一淡各極神妙尤奇者其初皆出浙中陸姓又皆經大

瓢跋尾皆由祥伯以入余齋寶玉大弓復鍊於魯偶得其一已覺



玉版十三行 順治中楊氏藏本

是刻自萬曆中出土垂三百年濡脫既久日益剝泐嘗聞諸故老  
當康熙末年其晉字中畫已斷合字波末已作黍米缺舊本且然  
何況自鄆以下則初榻尚已此本舊為山陰陸氏所藏順治中隸  
朱敬身會其友楊春華坐視遣戍朱即以贈別楊携至塞外廿餘  
年畀其子大瓢世守傳至裔孫名果林者宦江左卒于官先世金  
石文字有大瓢書後者甚夥畫出以易朱此本為吳下滕六圃所  
得滕以質遷起家喜佳此鑒別中年家驟落所藏復輾轉入于  
嘉禾張氏張翁乃叔

子金清品厥嗣

子饒賞遇法書名畫不靳直所

寶愛此本挈以自隨自云

以斧不繼將假隸况余



次日游禹穴馬賡良幼眉亦至摩挲窆石殘字隱隱椎拓寔難回  
周皆後人題名磨治鏤改有如積薪古物一奇阨要亦地近厝卑  
故耳審厥形模斷以下隧引棺之說為可從玉帛萬國同軌畢來  
桐棺尊嚴神靈千古九服之內畏神服教上繼軒黃夏甸芒芒于  
今為烈舟中閱幼眉詩文彙詩近大庾文亦畧近中唐

見清仁和譚獻復堂類集日記卷三

加觀不東

落

和此

文

未稱示

必



